



SECONDE PARTIE,

I.
Januier.

*QVI COMPREND LES
Meditations sur toutes les Festes
qui se celebrent en l'Associa-
tion durant toute
l'année.*

Pour la Feste de la Circoncision.

Luc 2.

PREPARATION.

METTE'S vous aux pieds de IESVS,
& luy demandés humblement
pardon pour le sang que vos pechés luy
font si tost répandre.

I. POINCT.

Luc 2.

*Après que les huit iours furent accom-
plis que l'enfant deuoit estre circoncis, son
nom fut appellé IESVS. Ces pretieuses
gouttes de sang que IESVS respand en sa
Circon*

L'ASSOCIATION. 365

Circoncision sont dignes & infiniment dignes de racheter tout le monde, de sanctifier autant d'ames par la bonté de Dieu qu'il en peut créer par sa toute puissance, de noier tous les pechés comme les Egiptiens en la mer rouge, de satisfaire condignement & en toute rigueur à la diuine Iustice : Bref si vne seule de ces gouttes de sang pouuoit tomber iusques dans les enfers, elle seroit capable d'en deliurer toutes les ames damnées, & même les Demons, c'est à dire si elle leur pouuoit estre appliquée. O prix ineffable du sang que IESVS répand en vn si bas aage, & duquel il nous va estrenant en ce premier iour de l'an, qui est le gage de son amour, l'arthe d'une plus grande & plus ample effusion qu'il deuoit faire en sa passion, & que nous devons recueillir avec deuotion, à fin d'en lauer & purifier nos ames!

II. P O I N C T.

L'Ange auoit dit à IOSEPH: *vous appellerez son nom IESVS, car il sauuera son peuple de ses pechés.* IESVS estant Circoncis est appelé IESVS, & il commence à

Q 3 en

366 L'ASSOCIATION.

en faire l'office par l'effusion de son sang : c'est pourquoy c'est chose aussi propre à IESVS de sauuer, comme au Soleil d'éclairer, au feu de brûler, & au baume de répandre ses odeurs. Et il se montre IESVS ou Sauueur par ses effets, en effaçant les pechés, en nous reconciliant au Pere Eternel, en souffrant & satisfaisant pour nous à sa diuine Iustice. O bon IESVS soyés-le IESVS de mon ame, maintenant & en l'heure de la mort, & opérés en moy ces effets.

III. POINCT.

IESVS estant fait IESVS par son Pere Eternel, a esté établi l'auteur & la cause du salut de tout le monde; & en suite la source & le principe de toute grace, de toute sainteté, & de tous les effets de la grace & de la gloire, au ciel, & en la terre, aux Anges & aux hommes, au temps & en l'éternité. O IESVS qui estes le Saint des Saints & la source de toute sainteté, purifiés mon corps, & sanctifiés mon ame, & la rendés vn digne vaisseau de vos graces.

Pour

Pour le iour de l'Epiphanie.
Matth. 2.

VI.
Ianuier.

PREPARATION.

PRiés saint IOSEPH qu'il vous donne entrée en sa sainte creche, & la sainte Vierge qu'elle vous donne accès à son petit IESVS par l'oraison.

I. POINCT.

L'Estoille de IESVS qui apparut en l'Orient a esté le simbole de la lumiere interieure, & de la grace que IESVS a influée dans les ames des Mages; qui a esté si puissante & si efficace, qu'ils ont quitté leur pais, & ce sont mis en vn long & difficile chemin, pour venir adorer le Roy IESVS nouuelement né, qui les appelloit & attiroit interieurement. O IESVS i'adore l'application & l'efficace de vostre volonté & de vostre grace à appeler & attirer les Anges du ciel, les Pasteurs de la Iudée, & les Mages de l'Orient. O IESVS qui abbaissé en la creche & élevé en la croix aués attiré toutes choses à vous, attirés & éleués à vous nos cœurs dans le Ciel.

Q 4 II.

II. POINCT.

Ils arriuent en Ierusalem disants : *où est celuy qui est né Roy des Iuifs ? Car nous auons veu son Estoile en Orient, & sommes venus l'adorer avec des presens.* O qu'elle foy & qu'elle adherence de ces sainctes Mages à la lumiere du ciel ! Quel desir brûlant de trouuer IESVS ! qu'elle ioye en voyant cette guide du ciel ! & quels nouveaux sentimens d'amour & de deuotion entrant au sainct lieu, où estoit l'enfant IESVS ! imitons ces sainctes dispositions pour chercher IESVS, & le demandons à MARIE & à IOSEPH.

III. POINCT.

Ils trouuerēt l'enfant IESVS avec MARIE sa sainte Mere, & se prosternant ils l'adorerent, & luy offrirent leurs presens ; de l'or, de l'encens, & de la myrrhe. Mais quels furent leurs prosternemens, leurs adorations, & leurs oblations interieures vers ce benit Enfant IESVS ? Trois actes tres eminens que ie dois chaque iour pratiquer & imiter, à sçauoir l'humiliation deuant IESVS, representée par leur prosternement ; l'adoration, & l'oblation

L'ASSOCIATION. 369

tion de moy même, & de mes presans à
IESVS, exprimés par ces paroles: *Ils l'a-*
dorerent & luy offrirent leurs presans.

Pour le iour de la Purification de la
saincte Vierge. Luc 2.

II.
Feurier.

PREPARATION.

AYONS recours à l'enfant IESVS par
MARIE: Car il est entre ses bras.
Mais adressons nous à MARIE par
IOSEPH: Car il a part en ce mystere. O
IESVS! Ô MARIE! Ô IÔSEPH! Recueillés
moy avec vous en l'oraison.

I. POINCT.

Après que les iours furent accomplis de
la purgation de MARIE: dit l'Euangeli-
ste. Marie la plus pure entre les pures, la
plus saincte & parfaite entre les Saincts
& parfaits, & assuietie à la loy de la pu-
rification, ainsi que les autres femmes
immondes. Hé, pourquoy non! puis que
IESVS son fils vray Dieu & le Sauueur
des pecheurs a voulu estre Circoncis
comme vn d'entre les enfans des hom-

370 L'ASSOCIATION.
mes & d'entre les pecheurs ? ô humilia-
tiō tres profōde de IESVS & de MARIE!
apprenons d'eux à nous humilier, nous
qui ne sommes que poudre. O MARIE
tres-pure & treshumble, impetrés moy
la grace de la pureté & la vertu de l'hu-
milité.

II. POINCT.

*Ils porterent l'enfant IESVS en Ierusa-
lem, pour le presenter au Seigneur. IESVS
a esté offert à Dieu son Pere au temple
par les mains tres pures de sa sainte
Mere, tout ainsi que luy même en veri-
té est presenté & sacrifié sur l'Autel par
les mains des Prestres. O qu'elles dis-
positions interieures, qu'elles affections
d'humilité, de reuerence, & d'amour
nous deuons honorer, & imiter en
MARIE en cette action! Receués (disoit
elle) ô Pere Eternel vostre Fils vnique
que vous m'aués donné, receués-le en
hostie sainte, viuante, & immaculée, &
pour la propitiation de tous les pechés
du monde, & pour la sanctification des
ames. O sainte Vierge offrés IESVS
pour moy, & me donnés part en vos
tres-hautes dispositions, à fin que ie le
puisse*

L' ASSOCIATION. 37^E
puisse offrir avec vous, avec le Prestre,
& avec l'Eglise, en la sainte Messe.

III. POINCT.

*Simeon iuste & craignant Dieu receut
IESVS entre ses bras, des mains de la sainte
Vierge, & dit : Laissez aller Seigneur
vostre seruiteur en paix, puis que mes yeux
ont veu vostre Salutaire. O quels brasiers
de desirs & de soupirs en la poitrine de
ce bon viellard, pour voir le fils de Dieu
humanisé ! Et quels feux d'amour le
voyant, le tenant l'embrassant, & le bai-
sant ! Voila vne vraye image de la Com-
munion: Car c'est le même IESVS hom-
me & Dieu, en son corps, en son sang,
en son ame, & en sa diuinité, que nous
receuons des mains du Prestre. O IESVS
allumés en nos cœurs les flammes des
bons desirs, & le feu de vostre saint
amour enuers vostre saint Sacrement.*

XXIV.
Feurier.*Pour le iour saint Mathias de son
election à l'Apostolat.*

PRÉPARATION.

Implorés le Sainct Esprit, & luy dites : Enseignés moy Seigneur la voye en laquelle ie dois cheminer, & par laquelle ie dois prier.

I. POINCT.

Les Apostres assemblés aussi tost apres l'Ascension de IESVS avec tous les fideles, presenterent deux d'entre eux & firent cette priere; *montrés Seigneur celuy que vous aués choisi de ces deux.* Dieu de toute Eternité auoit dessein sur saint Mathias, & l'auoit predestiné pour estre vn des douze Apostres. O dessein & election eternele de Dieu sur ce Sainct, que nous deuons profondement adorer ! De même aussi, c'est Dieu qui nous a appellés & choisis à son seruice, non seulement auant que nous ayons cooperé à sa grace, mais auant que nous ayons esté. O IESVS ie m'offre à vous pour suivre vostre voix,
&

227. 1.

L'ASSOCIATION. 373

& pour accomplir tous vos desseins sur mon ame.

II. POINCT.

Ils en presenterent deux, Ioseph dit Barsabas surnommé le Iuste, & Mathias: le sort tomba sur Mathias. Ces deux Saints estoient attendans avec vne profonde humilité & resignation, le signal de la volonté de Dieu, & ils auoient des dispositions eminentes pour estre éleués au haut degré de l'Apostolat: Car Ioseph qui ne fut pas choisi est surnommé *Iuste*, comme par eminence; combien donc Mathias denoit estre saint & agreable à Dieu puis qu'il a esté preferé par la voix du Ciel: O grand Saint donnés moy vne participation à vostre humilité, à vostre recollection, & à vos autres vertus & graces singulieres: Car vous estes remarqué comme vn homme de silence & d'oraison.

III. POINCT.

Lors saint Mathias fut associé aux autres vnze Apostres, & ce Saint receuant la charge & l'office de l'Apostolat, receut aussi la plenitude de grace, & de l'esprit,

l'esprit proportionnée à cette dignité: car il participa en cet instant à toutes les premières graces, priuileges, & puissances que IESVS auoit communiqees à ses Apostres pendant toute sa vie, & iusques à son Ascension. O effets admirables & cachés! O operations diuines & interieures de IESVS en l'ame de Sainct Mathias! O glorieux Apostre ie me soumets à l'esprit, & ie me lie à la grace de IESVS en vous.

XIX.
Mars.

Pour le iour & Feste du Glorieux Patriarche saint IOSEPH, protecteur de la Famille de IESVS, & MARIE.

PREPARATION.

Dites avec vn excés de Iubilation interieure: O grand Sainct bienheureux sont les yeux qui ont veu ce que vous aués veu; faites nous recueillir quelques miettes de vostre table, & receuoir quelque participation de vos graces, & nous donnés accès à IESVS par l'oraison.

I. P O I N C T.

Ainsi que Dieu a établi trois ordres au monde : celui de la nature, celui de la grace, & le troisième qui est l'ordre diuin de l'union hypostatique ; aussi a-t-il choisi des seruiteurs & ministres en chacun de ces ordres : Les Anges le seruent à conduire l'ordre de la nature, les saints Apostres à celui de la grace. Mais il a choisi saint IOSEPH seul & unique apres la tres-sainte Vierge, pour le seruir au troisième ordre, qui est l'ordre de IESVS & de son ineffable Incarnation. O Excellence, ô Eminence & grandeur de saint IOSEPH!

II. P O I N C T.

Les grandeurs de saint IOSEPH ne peuuent estre mesurées que par les grandeurs de IESVS & de MARIE, auxquels il a eu tres étroite liaison & rapport: Car il a esté l'espoux de MARIE, & en suite le vray pere (quoy que non pas charnel & naturel) de IESVS. O qu'elles communications d'amour, quelles liaisons d'esprit, & quelles unions de ces trois cœurs de IESVS, de MARIE, & de
 IOSEPH!

376 L'ASSOCIATION.

IOSEPH ! Car si Dieu donne grace proportionnée, à l'office, ainsi que l'office de saint IOSEPH à esté tres-grand aussi l'estat de ses graces a esté tres sublime.

III. POINCT.

IOSEPH a esté établi Lieutenant de Dieu sur la terre, pour auoir droit & puissance sur les deux plus diuins sujets, & sur les plus nobles empires du pere Eternel : c'est à dire sur IESVS, & MARIE. O pouuoir admirable de IOSEPH ! ô assujettissement adorable de IESVS ! ô sublimité de IOSEPH de commander à IESVS ! ô humilite de IESVS d'obeir à IOSEPH ! IOSEPH a aussi esté établi de Dieu le pere gouverneur & Econome de la Famille de IESVS, & par ce titre il a droit & pouuoir sur toutes les ames qui sont liées & associées à cette sainte Famille. O saint IOSEPH ie soumets mon ame à vostre pouuoir, offrés-là s'il vous plait, & la mettés en la possession de IESVS & de MARIE!

Pour

Pour le iour & Feste de l'Annoncia-
tion nostre Dame, & de l'Incarna-
tion de IESVS.

XXV.
Mars.

PREPARATION.

Que suis-ie moy Seigneur que dans
vostre Eternité vous vous estes
souenu de moy, & que vous m'aués
daigné visiter dans le temps par les en-
traillies de vostre misericorde, & que
maintenant vous me commandés que
ie m'approche de vous par l'oraison, à
fin de me rendre participant de la grace
de vostre venue? Donnés moy, ô bon
IESVS, ce que vous me commandés, &
commandés tout ce que vous voudrés.

I. POINT.

Adorés le haut, profond, adorable,
& Eternel conseil de Dieu, tenu entre
les trois personnes de la sainte Trini-
té sur le salut & redemption des hom-
mes: auquel entre tous les autres moyés
possibles à Dieu, il a choisi comme le
plus conuenable, d'vnir son Verbe eter-
nel à la nature humaine, & faire vn
IESVS

378 L'ASSOCIATION.

IESVS-CHRIST homme Dieu, subsistant en deux natures. Je vous adore ô Pere Eternel en ce dessein de donner vostre Fils ! Je vous adore ô Fils vnique en la volonté de vous Incarner ! & vous ô Sainct Esprit au vouloir que vous aués eu d'operer ce mystere!

II. POINCT.

Au temps ordonné, auquel le monde estoit plongé dans les espais ses tenebres du peché, & de l'Idolatrie. Dieu choisit vne tres-pure Vierge pleine de grace, preuenue du Sainct Esprit, laquelle estoit attendante & languissante apres l'accomplissement des promesses de Dieu, & de ses diuines volontés en elle. Il luy enuoye l'Archange Gabriel, pour luy anoncer la venue de son Fils en elle, & par elle au monde, & tirer son consentement. O abîme des misericordes de Dieu, opposé à l'abîme de nos misereres ! O premier regard de Dieu sur la Vierge MARIE ! ô instant auquel elle fut choisie ! que de benedictions & de graces sont prouenuës d'iceluy!

III. POINCT.

La saincte Vierge se soumettant par

L'ASSOCIATION. 379

vn acte trespuissant & heroique au vouloir de Dieu, dit ces paroles: *Voicy la seruante du Seigneur, qu'il me soit fait selon vostre parole.* Et en même instant le Saint Esprit forma en elle, & d'elle, vn corps tres-parfait, & crea vne ame, & y vnit la diuine essence en vnitè de personne: & ainsi il accomplit le haut & ineffable Mystere de l'Incarnation, fit vn IESVS-CHRIST homme-Dieu, & le Sauueur des hommes. O que de merueilles & de grandeurs ont esté operées en ce moment! Car Dieu est homme, & l'homme Dieu, & MARIE est faite Mere Dieu.

LUC 1.

Pour le iour de saint Marc Euangeliste; les perogatiues des quatre Euangelistes, & de saint Marc.

XXV.
Auril.

PREPARATION.

VOUS me commandés Seigneur d'aller à vous, & me conuiés amoureusement disant. *Venés tous à moy vous qui estes chargés, & ie vous soulageray.* Ce sont trois graces que ie deman-

de

380 L' ASSOCIATION.

de, d'estre appellé de vous, d'aller à vous,
& d'estre receu de vous en l'oraïson.

I. POINCT.

Les quatre Euangelistes sont les quatre fleuves qui sortét du Paradis terrestre, & se répandent par toute la terre. Ce sont les quatre animaux d'Ezechiel, qui portent par tout le monde le chariot de la Majeste de Dieu. Ce sont les quatre anneaux avec lesquels l'arche d'alliance estoit portée. C'est à dire qu'ils ont répandu par tout le monde, & en tous les siecles, la doctrine Evangelique, la connoissance & la foy de IESVS-CHRIST nostre Seigneur, de sa tres-saincte vie sur terre, de sa naissance & de sa mort, qu'ils ont prechee par leurs écrits, le faisant reconnoistre vray Dieu, & vray homme, & vray Redempteur des hommes, & portant par tout la gloire de son nom. O combien nous sommes obligés à ces quatre Euangelistes qui ont preché, & prechent depuis si long temps, & par lesquels nous auons la connoissance de IESVS ! Car ainsi que la saincte Escriture a besoin de la tradition pour estre deriuée
iusqu'à

L'ASSOCIATION. 381

iufqu'à nostre ſiecle , auffi la tradition
a beſoin de l'Eſcriture pour eſtre auto-
riſée & conſeruée.

II. P O I N C T.

Les quatre Euangeliftes ont eſté
guidés & conduits du Sainct Eſprit en
eſcriuant ; ſi que toutes leurs paroles
ſont paroles de verité & du Sainct Eſ-
prit, qui a parlé par leur bouche ; & les
Euangiles ſont les premiers & princi-
paux liures Canoniques de la ſaincte
Eſcriture : car ils contiennent les My-
ſteres, ou les actions, ou les paroles , ou
les ſouffrances de IESVS ſur la terre. O
excellence des ſacrés Euangiles , avec
quel reſpect reuerence & deuotion les
deuons nous entendre ; & receuoir puis
qu'ils contiennent les paroles de vie !

III. P O I N C T.

Sainct Marc a eſté diſciple & com-
pagnon des trauaux du Prince des
Apoſtres ſainct Pierre ; il a receu de ſa
bouche l'Euangile , & la miſe par écrit
de ſon commandement, & ainſi qu'il l'a
entendu de luy. Il a auffi eſté l'Apoſtre
de l'Egipte où il a le premier fondé &
com

382 L' ASSOCIATION.

commencé l'Eglise avec vne tres-grande pureté, & doctrine, & saincteté de vie : Car les premiers fideles de ce pais les disciples de saint Marc viuoient en commun, ayans vn même cœur, & vne même ame, & n'ayans rien en propre, ieusnans continuelement, celebrans tous ensemble iour & nuit les loiianges de Dieu. O glorieux Saint, faites nous honorer vos excellences, imiter vos vertus, & nous aydés par vos intercessions.

I.
May.

*Pour la Feste des saints Apostres
saint Iacques & saint Philippe.*

PREPARATION.

IE ne suis rien & ne puis rien par moy même, & sans vous, ô mon Sauueur IESVS. Je ne puis rien faire non plus que la branche separée du sep ne porte aucun fruit. I'implore donc vostre grace pour prier.

I. POINCT.

Considerés la conuersation tres-humble, tres douce, & admirable de
IESVS

L'ASSOCIATION. 383

IESVS avec les Apostres sur la terre, & qui doit estre la forme & le modele de toutes nos conuersations. O grande humiliation de IESVS, de conuerser avec des hommes pecheurs ! O bien-heureux les yeux des Apostres qui ont veu, & les oreilles qui ont ouy IESVS vray Dieu conuersant & parlant sur la terre ! O quels effets la presence & les paroles de IESVS operoient en leurs ames !

I. POINCT.

Philippe dit à IESVS: *Seigneur montrés* IOAN. 14.
nous vostre Pere, & cela nous suffit. Dieu seul est nostre suffisance, nostre gloire, & nostre parfaite satieté. *Je seray lors* PS. 16.
vassasié quand vostre gloire m'apparoistra. Voir la diuine essence cela suffit à l'ame pour toute l'Eternité. O IESVS montrés nous vostre Pere & cela nous suffit ! car trop est auare celuy à qui Dieu ne suffit. O IESVS rendés nous digne de vous voir vn iour en vostre diuinité, & en vostre sainte humanité !

III. POINCT.

IESVS répond : *il y a si long temps que ie suis avec vous, & vous ne me connoissés point.*

384 L'ASSOCIATION.

point. O grand aveuglement du monde, IESVS est au monde & le monde ne le connoist point ! O IESVS faites que ie vous connoisse, & que ie vous ayme. Car vous dittes vous même à vostre

Ioan. 17.

Pere : *C'est la vie eternele, qu'ils vous connoissent vous seul vray Dieu, & IESVS CHRIST lequel vous aués enuoyé.*

*Pour la Feste de l'inuention
saincte Croix.*

III.
May.

PREPARATION.

Contemplés avec les yeux de l'Âme IESVS crucifié comme tout vostre thresor, & le supplément de vos deffauts: suppliés-le qu'il vous ouure ses playes pour vous y retirer par l'oraison.

I. POINCT.

Le Mystere de la saincte Croix est vne tres-haute & admirable inuention de la diuine sagesse, à diuerses fins, pour la gloire de Dieu, duquel la Iustice a esté satisfaitte en toute rigueur, par les souffrances

L'ASSOCIATION. 385

frances d'un Dieu : Car IESVS en sa croix a porté toute la rigueur & feuerité de la iustice diuine , c'est à dire toutes les peines deües à nos pechés pour luy satisfaire. La bonté & la misericorde de Dieu enuers les hommes, & la sagesse ont aussi esté tres excellemment manifestées par la croix. Je vous remercie ô Dieu de misericorde de cette inuention si haute & si profonde.

II. POINCT.

En second lieu cette inuention est grande pour la fin qui nous regarde, qui est la redemption du monde, & la remission de nos pechés : car IESVS à souffert vne multitude de peines pour effacer la multitude des pechés, & a fin que la grandeur de sa misericorde & de son amour répondit à la grandeur de nostre misere & de nostre ingratitude : & ainsi que le monde auoit esté perdu par vn arbre , il fust aussi réparé par vn autre arbre. Bref IESVS par sa mort a détruit la mort, & le peché ; par sa croix il a vaincu le monde, & par son humiliation il a chassé le Diable. O thresors & secrets cachés en la croix de IESVS ! rendés moy ô benin

R Re

Redempteur participant des effets d'icelle.

III. POINCT.

En troisieme lieu la croix de IESVS est vne tres saincte inuention pour sanctifier & attirer nos ames, par les exemples des vertus qui y reluisent; d'une humilité profonde, d'une obeissance parfaite enuers Dieu le Pere, car IESVS (comme dit saint Paul) *s'est humilié, &* *Philip. 2. fait obeissant iusques à la mort de la croix:* d'une patience admirable, & d'une ardente charité & amour vers les hommes. O IESVS rendés moy disciple de vostre croix; & sectateur & imitateur de vos Sainctes vertus.

De la gloire & du Triomphe de l'Ascension de IESVS.

PREPARATION.

IMaginés vous que vous estes sur la montagné des oliues, avec la troupe sacrée de sainctes Disciples, & IESVS au milieu: regardés-le attentiuement, & le

L'ASSOCIATION. 387

le suiues des yeux du cœur, disant : O IESVS donnés à ce mien cœur qu'il vous suiue par l'oraison, puis que vous estes tout mon amour & tout mon thresor.

I. POINCT.

Toute chose tend à son lieu propre & naturel, ainsi que la priere au centre de la terre, & le feu au concaue de la Lune. C'est pourquoy le corps de IESVS aussi tost apres sa resurrection, se deuoit porter au plus haut des cieux, à la dextre du Pere, comme à son propre terme; & toutes les creatures sembloient en quelque façon le chasser, & luy disoient : *montés ô Seigneur, vous & l'Arche* Ps. 131. *de vostre sanctification*, qui est vostre corps, & nous devons nous vnir à ce souhait, & exprimer ce desir : *montés ô IESVS, entrés en vostre repos & en vostre gloire : c'est alsés auoir conuersé au monde prés de trente quatre ans Pelerin & mortel : la terre est le sejour des mourans & des souffrans, & vous estes immortel & impassible. Toutefois IESVS en sa resurrection est entré en sa gloire, mais il a voulu pour nostre Salut estre encores priué du lieu de sa gloire,*

R 2 qui

388 L'ASSOCIATION.

qui est le ciel, & ce iusques à son Ascension. Je vous remercie ô IESVS de cette priuation que vous aués portée pour moy en ces quarante iours.

II. POINCT.

Le iour & l'heure estant venüe, IESVS estant au milieu des siens print congé d'eux, & particulièrement de sa tres-saincte Mere. O qu'elles larmes découlerent de ses yeux, quels sentimens de douleur mellés avec la ioye en ce cœur Virginal, & qu'elle cõmunicatiõ de ces deux cœurs de IESVS & de MARIE en cet adieu! Elle desiroit suiure son Fils: mais elle ne vouloit que ce qu'il vouloit, & elle estoit soumise à son ordonnance. Et alors les Disciples le regardant attentiuement le virent peu à peu eleué de terre par sa propre vertu; & luy leuant les mains leur donna sa benediction. O desirs, ô ferueurs & transports de leurs ames vers IESVS! O IESVS tirés moy après vous: car si estant exalté en croix vous attirés toutes choses à vous, combien plus estant eleué en la gloire & au plus haut des cieux?

III.

III. POINCT.

Lors l'humanité sainte de IESVS accompagnée de tous les chœurs Angeliques, & des Saintes ames retirées du Lymbe, fut eleuée en sa gloire, au dessus de toute creature, & établie à la dextre du Pere, où ie dois remarquer. I. Les hommages, les reconnoissances, & les adorations de tous les Anges. II. Leurs Iubilations & Cantiques de louange: car ils chantoient : *l'Agneau qui a esté occis est digne de recevoir gloire, honneur, diuinité, &c.* III. L'eleuation & l'exaltation de IESVS & de son humanité sainte en luy. IV. Qu'il entre en egalité de puissance, & en communication de gloire avec Dieu même. V. L'accomplissement de ce souhait & priere de IESVS : *Pere glorifiés vostre Fils, &c.* Mais en fin IESVS ie me conioiuis avec vous, ie vous adore en vostre gloire, & ie vous supplie m'en rendre vn iour participant, & que ie vous puisse voir en vostre humanité glorifiée.

Apo. 5.

Ioan. 17.

Pour le iour de la Pentecoste.

Eleuation sur les grandeurs du
Saint Esprit, & de sa venüe.

PREPARATION.

VEnés ô Saint Esprit, venés ô Sanctificateur des ames, venés ô lumiere de nos cœurs, venés ô feu, ô amour diuin, & amour Dieu, venés & remplissés les cœurs de vos fideles, qui au iour de la Pentecoste aués paru en langues de feu sur les Apostres.

I. P O I N C T.

Je vous reconnois, ie vous adore, ie vous aime, ô glorieux Esprit, comme vray Dieu, & vn même Dieu avec le Pere, & le Fils, & comme mon Dieu, égal en puissance & en essence, tout puissant, souuerain, & infini, qui remplissés par vostre immensité le Ciel & la terre. Je m'abbaisse, ie m'humilie, ie me soumetts à vostre Maiesté, ie vous honore, ie vous louë & benis, en honneur & vnion de toutes les adorations,

L'ASSOCIATION. 391

tions, reuerences, & loüanges que vous
rendent à iamais tous les Anges & tous
les Saints.

II. POINCT.

O Sainct Esprit ie vous adore com-
me procedant du Pere, & du Fils, com-
me troisieme personne de la tres-sain-
cte Trinite; non inferieure, mais egale,
non posterieure, mais Eternele, & qui
nous aués esté merité par les souffran-
ces & par la croix de IESVS. O dignité
infinie de ces souffrances & de cette
croix, qui nous a merité vn Dieu, c'est
à dire le Sainct Esprit, & sa descente
sur les Apostres a esté vn effet de la
passion de IESVS ! Ie vous remercie
mon Sauueur de ce grand & ineffable
benefice.

III. POINCT.

Le Sainct Esprit a rempli par vne
plenitude ineffable & singuliere l'hu-
manité sainte de IESVS: il a rempli par
vne seconde & tres-grande plenitude
l'ame de la tres-saincte Vierge: Et en ce
iour les Apostres ont esté remplis du
même Sainct Esprit, par vne troisieme

R 4

pleni

392 L'ASSOCIATION.

plenitude, à fin qu'en estans pleins ils le
peussent répandre dans le monde. O
Saint Esprit puissant & operant, &
remplissant les ames, ie vous adore !

*Pour la seconde Feste de la
Pentecoste.*

Ioan. 3. Sur les paroles de l'Euangile: *Dieu
a tant aimé le monde qu'il a
donné son Fils unique.*

PREPARATION.

Pf. 17. **L'**Amour ne peut estre merité ni di-
gnement recompensé que par
amour : si bien que la meilleure dispo-
sition pour meriter d'estre aimés de
Dieu, c'est de l'aimer : *Je vous aimeray
donc mon Seigneur, ma force, mon refuge, &
mon appuy !*

I. POINCT.

Il y a vne grande & infinie differen-
ce entre Dieu & le monde: car Dieu est
tres bon, tout puissant, tout sage, & par
l'abyssme de toutes ses grandeurs & per-
fections

L'ASSOCIATION. 393

fections infiniment infini, & le monde est tres-petit, pauvre, indigent, foible, & moindre que le neant. Et toutesfois Dieu a tant aimé le monde, & l'a aimé avec vn excés d'amour. O fuiet digne détonnement & d'admiration à toutes les creatures ! que suis ie moy Seigneur que vous me regardiés, & que vous me daigniés aymer.

II. POINCT.

IESVS s'estonne, & il admire la grandeur de l'amour du Pere Eternel vers le monde. *Sic, c'est à dire, il l'a aimé iusques là, iusques à cet excés que de donner son propre Fils !* Il nous le donne par l'Incarnation, comme nostre frere; par la sainte Eucharistie comme nostre viande; par la croix, comme le prix de nostre salut. Dieu donc a tant aimé le monde!

III. POINCT.

Dieu a tant aimé le monde, Mais le monde aime si peu Dieu ! Il nous a aimés le premier (dit le disciple d'amour) il nous a aimés quoy qu'indignes de son amour, il nous a aimés sans recevoir

R 5 aucun

394 L' ASSOCIATION.

aucun, auantage ni profit de nostre amour : & nous n'aimerons pas celuy qui nous a aimés iusques à ce point? Nous n'aimerons pas celuy qui est tres digne de nostre amour? Nous n'aimerons pas celuy en l'amour duquel vit tout nostre bien, nostre vie, & nostre felicité eternele?

*Pour la troisiéme Feste de la
Pentecoste.*

Les signes visibles du Sainct Esprit sur les Apostres, represetans ses effets inuisibles dans les ames.

PREPARATION.

C'est vostre office ô Diuin Esprit de preparer les ames à recevoir vos graces, disposez s'il vous plaist la mienne à fin qu'elle puisse tirer le fruct & la grace de l'oraïson.

I. POINCT.

Le Sainct Esprit est descendu sur les
Apo

L'ASSOCIATION. 395

Apostres sous la figure d'un vent impetu-
 tueux, *tanquam aduenientis spiritus vehe-* Act. 2.

mentis: Tant pour monstrier la ferueur &
 impetuosité de l'Esprit diuin duquel les
 Apostres deuoient estre portés par tout
 le monde, ainsi que les animaux d'Eze-
 chiel, qui *marchoient où estoit l'impetuosité* Ezech.
de l'esprit; comme aussi pour nous re-
 presenter la premiere iustification, en
 laquelle les ames sont purgées & net-
 toyées par le vent de la grace diuine,
 des souilleures des pechés. Venés ô
 Sainct Esprit, purifiés nos cœurs, &
 nous attirés par l'impetuosité & les
 puiffans mouuemens de vostre grace.

II. POINCT.

Le Sainct Esprit est aussi venu sur
 les Apostres en forme de langues mi-
 parties, *apparuerunt illis dispersit a lingua*:
 à fin que ce son qui auoit esté entendu
 du ciel se répandit par toute la terre
 par la predication des Apostres, & qu'ils
 portassent par tout le monde par l'or-
 gane de la langue, le Sainct Esprit qu'ils
 auoient receu: mais ces lāgues estoient
 comme de feu, *Tanquam ignis*, parce que
Dieu est Charité & la Charité est vn feu

I. Ioan. 4.

urnaturel, & elle est attribuée au Sainct Esprit & d'autant que par les langues des Apostres le Sainct Esprit deuoit allumer le feu de son diuin amour dans les cœurs. O Sainct Esprit qui estes feu & charité embrasés nos cœurs de vostre amour !

III. POINCT.

Le Sainct Esprit a voulu aussi prendre la forme de vent & de feu, pour exprimer les diuins effets qu'il opere dans nos cœurs : le vent impetueux est cause de plusieurs changemens en la nature, & en la grace. Le Sainct Esprit est autheur de tous les effects & saintes operations au monde & dans les ames : car il a attiré les hommes de l'idolatrie au culte du vray Dieu, du péché à la grace, & d'une vie brutale à la vie Angelique du Christianisme : & c'est cet vnique & même Esprit qui opere tout en tous; Ce qui est encores représenté par le feu qui est le plus actif de tous les elemens, parce que la grace du Sainct Esprit est tres efficace, elle fait & opere de grandes choses par tout où elle trouue des cœurs disposés & vuides

L'ASSOCIATION. 397

des de l'amour propre. Disons donc avec l'Eglise: venés ô Sainct Esprit, venés ô pere des pauures, venés donateur des presens, &c. Laués ce qui est souillé, arrosés ce qui est aride, guarissés ce qui est blessé, flechissés ce qui est dur, échauffés ce qui est froid, adressés ce qui est deuoyé, &c. O operations, ô communications ineffables du Sainct Esprit.

*Pour le iour de la Tres-saincte
Trinité.*

PREPARATION.

SIMoyse cachoit sa face, si les Anges tremblent deuant la Maiesté de Dieu, nous qui ne sommes que poussiere & que cendre, oserons-nous luy parler par l'oraison?

I. POINCT.

Au Mystere de la Tres-saincte Trinité il faut plustost croire que sçauoir, pratiquer auant que connoistre; & la premiere pratique doit estre yne profonde

fonde reconnoissance de la grandeur & souveraineté de Dieu, qui est vn en son essence, & trine en ses personnes, le Pere, le Fils, & le Sainct Esprit, vn seul & vnique Dieu; lequel nous deuons adorer, & auquel nous deuons nous assujeter, & luy rendre nos hommages de l'ame, & du corps, au temps, & en l'Eternité. Je vous adore ô grand Dieu! ie me prosterne; & ie m'abysme deuant vous.

II. POINCT.

La seconde pratique sera de vouloir dependre de Dieu par usage & par reconnoissance, comme nous sommes dependans de luy par necessité en la nature, comme principe & source de tout estre, qui nous a faits, qui nous soutient & nous fait subsister, qui nous conserue à tous momens: car *c'est en luy que nous viuons, que nous auons mouuement, & que nous subsistons*, dit l'Apostre. O bon Dieu que i'employe mes sens, & mes puissances à vous aimer & vous seruir, & que ie ne me serue pas de vous memes & de vostre concours pour vous offencer.

Act. 17.

III. POINCT.

La troisième pratique est de reconnoître & aimer Dieu comme principe de toute grace & de la vie de gloire, la cause de toutes les actions de salut, & de tout l'estre surnaturel en nous, & ainsi nous sommes liés à la toute puissance de Dieu en la nature, & à sa souveraine bonté en la grace: & les ames qui sont en peché ont la première liaison qui est nécessaire, & non la seconde qui est volontaire. Elles sont liées à Dieu par nécessité, & séparées par leur volonté. O separation!

*Pour le iour du Tres-sainct
Sacrement.*

PREPARATION.

O IESVS soyés le Dieu de mon cœur, ma part, & mon tout pour iamais! Vous venés à moy, & vous rendés mien par ce diuin Sacrement; faites donc que j'aille à vous par l'oraison, & que ie sois entièrement vostre.

400 L' ASSOCIATION.

I. POINCT.

IESVS-CHRIST nostre Seigneur tout entier, Dieu & homme en son corps, en son sang, en son ame, en sa diuinité, en sa personne, en son Essence diuine, en fin avec le Pere & le Sainct Esprit, est vrayement & reelement contenu sous les especes ou accidens du pain & du vin. O que de grandeurs cachées & que de merueilles contenues en cet abbrege de merueilles ! Je vous adore ô vray corps de IESVS formé par le Sainct Esprit dans les entrailles de MARIE. Je vous adore ô Sang répandu pour moy. O ame de IESVS ie desire m'vnir à vous, & ie vous crois fermement, ô mon IESVS, estre present au sainct Sacrement.

II. POINCT.

IESVS Dieu & homme est au tres diuin Sacrement avec toute la grandeur, puissance, & Majesté qu'il a dans les cieus, autant adorable & adoré des Anges : il y est toujours procedant de son Pere, toujours produisant le Sainct Esprit, regissant le monde, mouuant les cieus,

L'ASSOCIATION. 401

cieux, il y est aussi avec toutes les qualités & abbaiffemens de sa nature humaine: il y est avec les cinq playes referuées en son corps glorifié: il y est avec la plénitude de ses graces, avec tout son amour, avec tous ses desseins sur nous. O merueilles dignes d'estre considérées, épetuchées, & honorées avec attention!

III. POINCT.

Les desseins de IESVS & la fin de l'institution de ce tres-hault Sacrement sont aussi admirables: car par iceluy il se veut vnir & lier à chacune de nos ames, & non seulement à nostre nature, mais aussi à nostre personne en particulier, ainsi que par l'Incarnation il est lié à nostre nature en espece. Par ce Sacrement il veut étendre & comme perpetuer en nous son Incarnation, sa naissance, sa vie labourieuse, sa mort & sa passion; renouellant en nous tous ces mysteres, comme s'ils auoient esté operés seulement pour vn chacun de nous en particulier. Il nous veut donner vie, & vie de grace abondante, & en nous dégoustant des choses de la terre;

402 L'ASSOCIATION.

terre ; nous remplir d'une suavit  ce-
leste : bref il nous donne par ce Sacre-
ment l'auteur & la fontaine de toute
grace , l'arche de nostre gloire , la se-
mence de nostre resurrection. O bon
& tres amoureux IESVS, que n'ay-ie cent
c urs pour r pondre   vostre diuin
amour !

XXVI.
May.

*Pour le iour & Feste de saint Phi-
lippe Neri fondateur de l'O-
ratoire   Rome.*

PREPARATION.

SOy s vn esprit avec la troupe glo-
rieuse & triomphante des Saints
dans les cieus, contempl s IESVS com-
me vn diuin Soleil , influant en eux la
lumiere de grace & de gloire , mandis
en quelque petite participation.

I. P O I N C T.

IESVS en sa Sainte humanit  est la
source & la cause de toute Saintet ,
& le Saint des Saints, & sanctifi  par
la diuinit  m me , sanctifiant & le ciel
&

L'ASSOCIATION. 403

& la terre. IESVS est l'vnique principe & la fontaine de grace, & la fin, la couronne, & la recompense de tous les Saints. O IESVS ie vous adore comme sanctifiant l'ame du grand saint Philippe en terre & la glorifiant dans les cieus !

II. POINCT.

Saint Philippe à eu deux eminences & grandeurs de grace; l'vne personnelle, & l'autre de chef. La premiere a esté vn don special du Saint Esprit de la pieté, deuotion, & amour enuers IESVS & MARIE sa tres-sainte Mere, ce qui a paru premierement par les grandes, frequentes & admirables communications qu'il a eues d'eux. I I. Par le feu d'amour qui brûloit en luy, & qui l'a fait viure cinquante ans par miracle, & par miracle d'amour. III. Par ses frequentes extases & rauiffemens. I V. Par ses paroles toutes efficaces & embrasées. V. Par sa deuotion toute celeste en la celebration : bref il en a rendu des preuues en tous les momens de sa vie. O grand Saint impetrés nous quelque estincelle du brasier de vostre deuotion!

III.

III. POINCT.

La seconde eminence a esté derechef, en tant qu'en luy & par luy en la Congregation de l'Oratoire de Rome, il a pleu à nostre Seigneur renouveler l'esprit de la Prestise. Esprit, I. Qui contient en soy par excellence toute la grace, la saincteté, & la perfection qui s'est deriuée en tous les autres estats & membres de la saincte Eglise. II. L'Esprit la grace & la Saincteté des Prestres a esté la premiere deriuation & participation de la Saincteté & de l'Esprit de IESVS. III. C'et esprit & cette grace est la source & la cause de toute grace, de toute saincteté, & perfection Euangelique: car les Prestres par les Sacremens conferent la grace, & sanctifient les ames. O IESVS rendés-moy participant de vostre Esprit, & que ie sois l'imitateur de ce Sainct, comme il a esté le vostre.

Pour

*Pour le iour saint Maximin Arche-
uesque & Apostre d'Aix, des
eminences d'iceluy.*

VIII.
Iuin.

PREPARATION.

IE ne suis pas digne Seigneur d'estre
appelé vostre Fils, & de m'assoir à la
table de vos Saints par l'oraison: ie ne
demande sinon avec vos esclaves &
seruiteurs, d'estre substanté de quelques
restes, & les recevoir avec humilité.

I. P O I N C T.

Saint Maximin a esté l'un des sé-
pante disciples de IESVS: il l'a suivi, il
l'a veu, il l'a ouy parler en terre, il est
des Saints de la sainte Famille, si bien
qu'il a part en cette benediction ou
beatitude: *Bien-heureux les yeux qui ont* Luc 10.
*veu, les oreilles, qui ont entendu IESVS con-
uerfant & prêchant au monde. Plusieurs
Rois & Prophetes ont désiré le voir, & ont
soupiré apres luy, & n'ont pas eu cette gra-
ce. Il a aussi pouuoir d'associer les ames
en la Famille de son bon maistre; &
d'en communiquer la grace speciale. O
glorieux*

406 L'ASSOCIATION.

glorieux disciple de IESVS receués nous,
& nous offrés à luy.

II. POINCT.

Sainct Maximin a eu vne tres estroite familiarité avec sainte Magdelaine, Marthe, & le Lazare, les trois que IESVS aimoit, comme dit le texte sacré: IESVS aimoit Marthe, Marie sa sœur, & leur frere le Lazare, & il les a accompagnés par la conduite du ciel, pour planter la foy, & prêcher l'Euangile en Prouence, & ainsi il a aussi esté honoré avec eux, de la familiarité & amitié particuliere de IESVS: O glorieux Sainct impetrés moy quelque participation à cette grace.

Ioan. II.

III. POINCT.

Ce bien heureux Sainct a esté non seulement Disciple de IESVS, mais son Apostre en la Prouence, & particulièrement à Aix; & il y doit estre honoré en qualité d'Apostre, comme y ayant le premier planté la foy; & en qualité de Pere, car il y a engendré par l'Euangile en IESVS-CHRIST autant d'enfans qu'il y a eu, & qu'il y a de Fideles

L'ASSOCIATION. 407

deles & enfans de Dieu, en-fin en qualification de premier Euesque & de Pasteur de cette Eglise. O grand Sainct qui brillés dans le ciel d'autant de Couronnes de gloire, comme il y a d'ames qui ont esté & seront conuerties & sauuées par vos labeurs, & de vos successeurs, receués nous comme Aposte pour vos Disciples, comme Pere pour vos enfans, comme Pasteur pour vos ouailles. Imprimés en nous vne viue foy, & vn ardent amour de IESVS.

*Pour le iour de saint Barnabé,
& ses excellences.*

XI.
Iuin.

PREPARATION.

CE seroit trop, ô Seigneur, que la creature osast s'approcher & parler à son Dieu, si vous ne nous donniés la hardiesse d'aller à vous, l'humilité pour prier, & la confiance d'impetrer;

I. POINCT.

Sainct Barnabé a esté vn des premiers qui a vendu son champ, & mis l'argent au pied des Apostres, & donné
vne

408 L'ASSOCIATION.

une grande edification à toute l'Eglise, & un exemple aux premiers fideles par cette action. Et ainsi il est entré en l'efrat & grace Apostolique, quittant tout pour suiure IESVS, & a merité d'estre choisi & establi du Sainct Esprit même, Apostre des Gentils avec saint Paul. O glorieux Apostre impetrés nous grace pour mépriser les choses temporeles, arrachés de nos cœurs la conuoitise excessive, faites nous quitter tout, au moins d'esprit & d'affection.

II. POINCT.

Sainct Barnabé a introduit saint Paul apres sa conuersion avec les autres Apostres, il a rendu tesmoignage de luy, & a esté avec luy consacré Apostre; il a esté compagnon de ses traueux en la predication de l'Euangile, il à tres fidelement exercé son sacré Apostolat, & cooperé à la grace d'iceluy. O saint Apostre ie vous reuere & honore, en la plenitude Apostolique du Sainct Esprit, comme choisi & appellé extraordinairement du Sainct Esprit obtenés nous grace pour répondre dignement à nostre vocation, & y seruir Dieu en la perfection qu'il demande de nous.

III.

III. POINCT.

Sainct Barnabé a esté le premier Apostre d'Antioche, où par ses predications & exemples plusieurs estans convertis à la foy, les disciples de nostre Seigneur furent premierement appelés Chrestiens. O glorieux titre, ô nom tres-sainct imposé premierement aux fideles par les travaux de sainct Barnabé ! & il est dit, qu'il estoit estimé de tous homme de bien, & rempli du Sainct Esprit. *Vir bonus, & Spiritu sancto plenus.* C'est à dire, accompli en toute bonté & vertu, & ne parloit, & n'operoit que par l'abondance du Sainct Esprit. O glorieux Sainct, faites nous participer à vos vertus, & nous impetres le Sainct Esprit.

ACT. II.

Pour la Feste de sainct Iean
Baptiste.

XXIV.
Iuin.

PREPARATION.

Comment peut goûter les delices
celestes de l'oraison celuy qui ne
S respire

410 L'ASSOCIATION.

respire que les choses de ce monde ? O Seigneur crez en moy vn cœur nouveau, vn cœur qui vous ayme & qui soit flexible à vos diuins mouuemens.

I. POINCT.

LUC I.

Il est dit de la Naissance de saint Iean, *Que plusieurs se resjouiront en icelle.* La premiere cause de ioye est parce que ce Sainct est né comme l'auant-courrier & le percurseur de IESVS, l'aurore de ce diuin Soleil ; & ainsi la naissance de saint Iean annonçoit celle de IESVS qui estoit prochaine, ainsi que ce Sainct en toute sa vie & en ses actions a eu vn rapport perpetuel à IESVS comme à son exemplaire, à son Verbe, & luy estant son image, & sa voix, nous deuous recueillir que tout nostre bon-heur git à nous rendre conformes à la vie tres-saincte de IESVS ; & à cet effet il nous faut imiter saint Iean, pour estre tirés sur cette premiere coppie. O grand Sainct rendés-moy vostre imitateur, comme vous l'aués esté de IESVS-CHRIST.

II. POINCT.

La seconde cause de ioye est que ce
Sainct

L'ASSOCIATION. 411

Sainct est né & sanctifié des le ventre de sa mere, avec vn plein vsage de raison, & de grace, excitant toutes les puissances pour honorer & aimer IESVS. Ainsi la cause de tristesse ne doit estre que le peché, & hors de cela rien ne nous doit facher. Et la cause de nostre ioye doit estre de voir IESVS honoré, reconnu, & aimé, & d'estre en sa sainte grace. O grand IESVS que vostre nom soit sanctifié, & que vostre volonté soit accomplie en nous, & par nous.

III. POINCT.

La troisiéme cause de ioye en la naissance de saint Iean a esté la presence de la sainte Vierge & de IESVS en elle, laquelle seruit & assista sainte Elizabet en son bien heureux accouchement, & nous y deuons honorer le premier regard de IESVS vers saint Iean, regard qui l'a sanctifié: Et aussi la premiere conuersion de l'ame de saint Iean vers IESVS. O IESVS regardés moy, & ayés pitié de moy. Faites ô mon Sauueur que souuent ie me retourne & conuertisse vers vous de toute la capacité & de toutes les puissances de mon ame.

XXIX. *Pour le iour des glorieux Apostres
Iuin. saint Pierre & saint Paul.*

PREPARATION.

SI les estoilles c'est à dire, les Saints vous loient & vous benissent, combien plus ô IESVS le Soleil & la Lune, c'est à dire ces deux grands flambeaux de vostre Eglise? Donnés moy la grace de vous pouuoir glorifier en vos Saints.

I. POINT.

Dieu en son Eternité a choisi ces deux grands Saints pour estre les deux Docteurs & Apostres du monde, saint Pierre des Iuifs, & saint Paul des Gentils. Et il leur a préparé toute la grace proportionnée à toutes les souffrances qu'ils ont portées pour son amour. Je vous adore, ie vous benis, & remercie ô grand Dieu pour cette haute, sainte & diuine Election, & pour la preparation de tant de graces & de tant d'effets qu'ils ont recueilly de leurs predications.

II.

II. POINCT.

Au ciel il y a deux grands flambeaux, en nostre ame deux facultés & puissances spirituelles, l'entendement & la volonté; en l'Eglise les deux grands Apôtres; saint Pierre a esté eminent en la lumiere & connoissance qu'il a eüe de IESVS par la reuelation du Pere, quand il fit cette haute profession de foy: *Vous estes le CHRIST Fils de Dieu viuant*: Et aussi en l'amour de IESVS, quand il répondit: *Vous sçaués Seigneur que ie vous aime*: & toujours il tesmoigna vne tres grande ferueur d'amour. O IESVS donnés moy que ie vous connoisse, & que ie vous aime!

Matth.
16.

Ioan. 21.

III. POINCT.

Saint Paul a eu vne tres grande liaison avec IESVS, par amour & par communication de souffrances, & pour porter & répandre l'Esprit de IESVS dans les ames. O qu'elle vnion à IESVS d'estre toujours crucifié avec luy, de ne sçauoir rien sinon IESVS, & iceluy crucifié, de se qualifier le seruiteur, l'esclau, & le captif de IESVS, d'estre si fort

414 L'ASSOCIATION.

vni à luy qu'aucune puissance du ciel, de la terre, ni des Enfers ne les puisse separer ! O IESVS donnés nous vne petite participation aux graces de ce Sainct !

Pour la Visitation nostre Dame.

11.
2 milles.

PREPARATION.

LUC 1.

A Insi que Sainte Elizabeth à la Salutation de la sainte Vierge s'écria : *d'où me vient ce bien que la Mere de mon Seigneur vienne à moy ?* Je puis dire de même m'approchant de l'oraison qui porte IESVS dans les ames : que suis-je moy pour recevoir la Mere de mon Seigneur ?

I. POINCT.

La sainte Vierge au temps de la Visitation portoit nostre Seigneur IESVS en elle, Dieu & homme. O combien de fois le iour elle se tournoit & conuertissoit en elle même vers ce tres divin objet ? quels sentimens d'amour, qu'elles applications, & qu'elle estoit la
collection

L'ASSOCIATION. 415

collection de son ame, & quels effets de grace IESVS operoit lors en elle ! Hé quand ie reçois I E S V S en la sainte Communion que dois ie ressentir de sa sainte presence !

II. P O I N C T.

Ainsi qu'on ne peut tenir vn feu en son sein sans qu'il brûle, aussi la sainte Vierge portant en soy ce diuin feu, elle est portée & animée par son mouuement, & elle en va ietter les flammes, & produire les premiers effets du Verbe incarné en la sanctification de saint Iean son precurseur ; car c'est le propre office de la sainte Vierge comme Mere, de porter IESVS dans les ames, & de le donner au monde. O MARIE Mere de IESVS soyés la Mere de IESVS en mon ame ! Je vous l'offre, & vous l'abandonne en cet effet.

III. P O I N C T.

La grande humilité de la sainte Vierge reluit en ce mystere: car I. Estant Mere de Dieu elle va visiter sa cousine Elizabet, qui s'écrie par étonnement:
D'où me vient cecy que la Mere de mon *ibid.*

416 L'ASSOCIATION.

Seigneur vienne à moy ! II. Elle la salue la premiere. III. Elle reconnoit son neant avec des paroles humbles, dans la plenitude de ses graces, disant : Dieu a regardé la petitesse de sa seruante. IV. Elle demeure trois mois avec sa cousine pour la seruir & assister en sa couche. O sainte Vierge maistresse d'humilité enseignés moy cette haute & sublime vertu : faites moy assuietir à mes Superieurs, à mes egaux, & à mes inferieurs, & reconnoistre mon propre neant à la veüe de mes pechés.

Luce 1.

*XXII.
Iuliet.*

Pour le iour de sainte Marie Magdeleine, sur ces parolles: Elle a beaucoup aimé. Luc 7.

PREPARATION.

Permettés moy, ô tres aimable IESVS, qu'à l'exemple de vostre Sainte amante ie me iette à vos pieds, avec le plus d'humilité & de recollection qu'il me sera possible, c'est vn lieu propre avec les dispositions de cette Sainte, pour bien faire oraison.

I.

I. POINCT.

Cette amante a beaucoup aimé dès l'instant de sa conuersion, lors que de tout son cœur, de son esprit, de toutes ses puissances, & de toute son ame elle s'est entierement conuertie à IESVS, & qu'humiliée à ses pieds elle a detesté tous ses pechés, & produit vn acte d'vne tres parfaite contrition : lors que pleine de honte & de confusion elle n'ose paroître à la face de son Seigneur; lors qu'elle pleure si amerement, qu'elle arrose de ses larmes les pieds de IESVS, les essuie avec ses cheueux, & les oint de pretieux onguens: car elle a fait tout cela pour l'amour de IESVS, & par le motif de cet amour: & IESVS ne dit point; elle a beaucoup pleuré; mais, elle a beaucoup aimé. Et il semble qu'il admire, luy qui est la Sageſſe eternele, vn si grand amour. O amour commençant, mais ô fournaise d'amour, & d'amour conuertissant les cœurs à IESVS! ô Sainte amante iettés en nos cœurs quelques flammes de cet amour qui brûle en vous!

II. POINCT.

Linc 7.

Elle a beaucoup aimé en son progrès, lors qu'estant aux pieds de IESVS elle écoutoit sa parole. Là elle auoit oublié le monde, la terre, & toutes les choses créées; là elle ne pésoit, & elle n'aimoit que cette chose vnique qui seule est nécessaire, c'est à dire IESVS : là elle estoit toute occupée & toute possédée de IESVS, & elle le possédoit autant qu'il peut estre possédé en cette vie par amour. O amour de IESVS ! ô amour ardent, amour toujours croissant ! ô IESVS faites que ie vous aime de tout mon pouuoir, & que ie vous aime de plus en plus, & que ie croisse toujours en vostre amour !

III. POINCT.

Elle a beaucoup aimé, en la solitude de la sainte Baume, c'est là où son amour a esté consommé, c'est où elle a vescu en de continuelles langueurs de l'amour de IESVS ; là elle a pleuré par amour, elle a esté solitaire par amour, elle a vescu par amour. O solitude d'amour en cette Sainte ! ô l'armes ! ô vie d'amour !

L'ASSOCIATION. 419

d'amour! ô miracle de l'amour de IESVS
en elle! ô amour de IESVS source de toute
grace, remplisés moy, possedés
moy, retirés moy de la terre & m'atti-
rés à vous.

Pour la Feste de saint Iacques, & les XXV.
excellences de ce saint Apostre. Inillet.

PREPARATION.

SI l'oraison est vne expression de ses
desirs à Dieu, ie vous découure &
presente, ô mon Sauueur, tous les sou-
pirs de mon ame, & tous les desirs de
mon cœur. Donnés moy grace pour
demander, & m'accordés ce que ie vous
demande.

I. POINCT.

La premiere des excellences de ce
glorieux Apostre est de sa vocation ad-
mirable: car IESVS passant luy dit, & à
son frere Iean; *Venés apres moy: & à l'in-* Marc. 1.
stant quittans leur nacelle, leurs rets, &
leur Pere, ils le suivirent. O puissance &
bonté de IESVS à appeller si efficace-

420 L'ASSOCIATION.

ment & si suauement ! ô obeissance & fidelité de saint Iacques à suiure si promptement & si parfaitement : ô IESVS appelés moy à vous , tirés moy apres vous , que i'entende vostre voix, que ie suiue l'attrait de vostre grace.

II. POINCT.

C'est vne autre excellence & prerogative de ce saint Apostre d'auoir esté choisi par le Fils de Dieu , par vn de ses trois plus chers, plus aimés, & plus fauoris Disciples, ausquels il a reuelé ses plus intimes secrets, & qu'il a pris pour tesmoins de ses miracles & mysteres plus cachés : comme lors qu'il resuscita la fille du Prince de la Synagogue, lors qu'il se transfigura sur le Thabor, & lors qu'il descourrit sa mortelle tristesse, & qu'il pria & entra en agonie au iardin des oliues. O heureux disciples & compagnons des travaux de IESVS ! ô fideles tesmoins de ses secrets ! ô IESVS menés moy avec vous, rendés moy participant de vostre suëur & de vostre tristesse & agonie en ce monde, & vn iour de vostre gloire sur Thabor celeste du Paradis.

III.

L'ASSOCIATION. 422

III. POINCT.

C'est vne autre excellence de saint Iacques qu'il a le premier des Apostres souffert le martyre par le glaive pour la verité de la foy de IESVS, laquelle il a grandement confirmée par les labeurs & souffrances de sa vie & par sa mort; si bien que ce que IESVS luy dit: *Vous beu- Matth.*
rés mon calice, luy conuient tres-particu- 20.
lièrement : car il a beu le premier le calice de la passion de IESVS, & a encouragé les autres par son exemple. O bon IESVS rendés moy digne de boire vostre calice, & de souffrir quelque chose pour vostre saint amour.

Pour le iour de sainte Anne, & les XXVII.
eminences de cette Sainte. Iuillet.

PREPARATION.

VOUS estes, ô mon Seigneur IESVS, le Dieu de mon cœur, ma part & ma portion pour iamais : c'est en vous que ie dois trouuer tout mon bien: faites moy la grace de le chercher, & le trouuer par l'oraison.

I.

I. P O I N C T. .

Les eaux sont d'autant plus claires qu'elles sont plus voisines de leur source, & les choses d'autant plus parfaites que plus elles s'approchent de leur principe. IESVS est la source de toute grace au Ciel & en la terre, & le principe de tous biens; quelle donc a esté la grace & la saincteté de sainte Anne, qui luy a touché & appartenu de si prés, qu'elle a eu droit de mere ayeule sur luy; estant par ce moyen non seulement de la Famille de IESVS, mais mere de cette Famille, regardant IESVS comme son petit fils, & comme faisant partie de sa Famille, mais partie admirable, qui a surpassé le tout ? O glorieuse Sainte faites moy seruiteur de la Famille de IESVS, puis que c'est vous qui l'establissés sur la terre : liés & vnissés mon ame à IESVS, & que ie sois à luy, puis que vous luy touchés de si pres qu'il n'y a que MARIE entre vous & luy.

II. P O I N C T.

Vne autre eminence de sainte Anne
ne

L'ASSOCIATION. 423

ne est, qu'elle a esté digne mere de MARIE mere de Dieu, qu'elle l'a portée & donnée au monde : que si la maison de Zacharie a esté remplie de benedictions aussi tost que MARIE y entra, combien plus sainte Anne a esté comblée de graces, en laquelle a esté faite & où a demeuré cette Arche de nostre sanctificatió, & ce Sanctuaire du Saint Esprit, c'est à dire MARIE sanctifiée des sa conception ; & quelle a esté la communication de grace & d'amour entre MARIE & sainte Anne ? O IESVS ! ô MARIE ! ô Anne ! IESVS vray Dieu ! MARIE mere de Dieu ! & Anne mere de MARIE !

III. POINCT.

Vne troisième eminence est, que comme ayeule de IESVS & mere de MARIE, sainte Anne a vne speciale puissance & droit de donner les ames à IESVS & à MARIE, de nous faire estre leurs esclaves, & de nous accepter & introduire en leur sainte Famille. O sainte Anne offrés nous à IESVS & à MARIE, faites nous dependre de IESVS par MARIE.

Pour

XXIX.
Juillet.

Pour le iour de sainte Marthe.

PREPARATION.

Inous faut imiter ces deux sœurs & amantes de IESVS, & par fois seruir avec sainte Marthe par l'action, par fois se recueillir avec sainte Magdeleine en l'oraison. Receués moy donc, Seigneur, maintenant à vos pieds qui sont mon Oratoire & le lieu pour prier.

I. POINCT.

C'a esté vne grande prerogatiue de sainte Marthe d'auoir esté aimée de IESVS, & de l'auoir esté la premiere de sa maison : car l'Euangeliste dit : IESVS aimoit Marthe, Marie sa sœur, & leur frere le Lazare. Et sainte Marthe semble auoir esté le fondement de cet amour, & auoir attiré sa sœur Magdeleine & le Lazare à l'amour de IESVS. O amour de IESVS tresdigne d'estre honoré, d'estre désiré, & aimé ! Ô IESVS faites que ie vous aime, puis que vous m'aués aimé le premier.

II

II. POINCT.

Sainte Marthe a merité d'exercer la charité & hospitalité vers IESVS : car naissant il n'a voulu qu'une estable, & en son traual il n'a point choisi d'autre retraite ordinaire que la maison de sainte Marthe. C'est vne image de nos maisons qui doiuent estre les maisons de IESVS. O douce familiarité ! ô sainte conuersation que sainte Marthe a eüe avec IESVS ! ô combien de graces & de benedictions elle en a receu !

III. POINCT.

Sainte Marthe a esté tres particulierement liée & affectionnée à l'humanité, & au corps deifié de IESVS, & à la vie penible & labourieuse de ses trois dernieres années : car elle estoit toute occupée & empresée à le traiter & servir, à le receuoir & soulager en ses courses & trauals : & aussi elle a merité de porter la figure & l'image de la vie actiue en l'Eglise, laquelle elle a exercée vers le plus digne & le plus excellent subiet qui est IESVS. O bien heureuse Sainte obtenés moy part en l'amour
&

426 L'ASSOCIATION.

& deuotion enuers l'humanité sacrée de IESVS, & à sa vie voyagere ; à fin que ie me reueste d'elle, & que ie luy offre ma vie & toutes mes actions.

v.
Aouſt.

Pour la Feste ſaincte Marie Majeur,
autrement aux Neiges, & les
grandeurs de la ſaincte Vierge.

PREPARATION.

O Saincte MARIE mere de Dieu, mere de misericorde, vous estes nostre Arche ſaincte qui aués porté le Propitiatoire de nostre ſalut IESVS. Donnés nous, s'il vous plaiſt, accès à luy par l'oraïſon, & la grace de contempler vos grandeurs.

I. POINCT.

La premiere excellence & grandeur de la ſaincte Vierge qui eſt ſource de toutes les autres, contenüe en ces paroles de l'Euangile: *Bien-heureux le ventre qui vous a porté*, eſt d'eſtre la vraye mere de IESVS-CHRIST, & mere de Dieu, de l'auoir porté en ſes pures entrailles,

Luc 11. de

L'ASSOCIATION. 427

de l'auoir alaité & élevé. O dignité tres
eminente qui luy donne vn pouuoit &
empire sur Dieu même, & qui nous
oblige à luy rendre vn honneur & hom-
mage sur-excellent d'hyperdulie que
luy attribue l'Eglise ! ô sainte mere de
Dieu rendez moy digne de vous louer
& honorer.

II. POINCT.

La seconde grandeur de la Vierge, est
sa plenitude de grace tres eminente &
toute singuliere, c'est à dire proportio-
née à cette dignité de mere de Dieu.
O plenitude par dessus celle de tous les
Saints & qui contient toute sorte de
priuilege & de perfections. Car en l'es-
prit, la Vierge est remplie d'une tres
abondante lumiere; en la volonté d'un
amour très pur & tres parfait: Et en fin
son ame & son corps sont tellement
comblés de grace, que les prerogatiues
qui se trouuent dans tous les autres
Saints separément, sont toutes assem-
blées & vnies en la tres-sainte Vierge.
En cette consideration nous deuons
auoir recours à elle en tous nos be-
soins. O MARIE qui estes pleine de
grace

428 L'ASSOCIATION.

grace pour vous, & surabondante pour nous, faites nous recevoir de vostre plénitude.

III. POINCT.

La troisième grandeur de MARIE est l'Empire & Souveraineté qu'elle a par son fils, & apres luy, sur tout l'ordre de la grace, sur l'Eglise, & sur toutes les ames. Ainsi tout ce qui est moindre que Dieu, & que l'humanité Sainte de IESVS, est inferieur & sujet à MARIE; tout luy doit flechir le genouil, au ciel, en la terre, & aux enfers. O MARIE j'honore vostre souveraineté; ie me soumetts en ma vie & en mon éternité à vous. O Sainte mere de Dieu rendés moy vostre seruiteur & esclave pour iamais.

V I.
Aoust.

Pour le iour de la Transfiguration nostre Seigneur. Matth. 17.

PREPARATION.

IESVS à fin de prier se retire à l'écart sur la montagne de Thabor. O IESVS
tirés

L'ASSOCIATION. 429

tirés moy apres vous, metés mon ame
en folitude avec vous, & m'enseignés à
faire oraison.

I. POINCT.

IESVS print avec soy Pierre, Iacques, & Matth.
Iean, & les mena en vne haute monta- 17.
gne à l'écart. IESVS dit en vn autre en-

droit à ses Disciples: Vous ne m'aués pas
choisi moy, mais moy ie vous ay choisis. Ioan. 15.

Ainsi il nous preuient de ses graces &
misericordes, c'est luy qui nous appelle
le premier, qui nous choisit, qui nous
tire, qui nous prend, & nous mene avec
soy; nous n'y allons pas de nos propres
forces, & nous ne sommes pas appelés
par nos merites, mais par sa bonté, par
son pur vouloir, & par sa liberale mise-
ricorde. O IESVS combien ie vous suis
obligé, que vous ay ie fait, & qu'ay-ie
merité que vous m'ayés preuenu par
tant de grace? *Je chanteray donc à ia-* Ps. 88.
mais vos misericordes, avec le Psalmiste.

II. POINCT.

Cette montagne de Thabor nous
represente le salut eternal, auquel tous
sont appelés de toute condition qui
sont

430 L'ASSOCIATION.

font figurés par ces trois Apostres : car saint Pierre chef de l'Eglise represente l'estat Ecclesiastique; saint Iean les Religieux ; saint Iacques ceux qui sont dans le monde. Tous se peuuent sauuer, tous sont appelés à la gloire eternele. O benefice tres estimable de cette vocation ! cette montagne signifie aussi l'estat des perfection à laquelle IESVS en appelle quelques vns, & laisse les autres avec les neuf Apostres au pied de la montagne ; c'est à dire dans le monde. O IESVS menés moy avec vous , faites moy dignement répondre, & cooperer à ma vocation.

III. POINCT.

IESVS se transfigura, & sa face parut éclatante comme le Soleil. C'estoit-là vn petit échantillon & vne monstre de la gloire qu'il possède, & qu'il communique à ses Saints dans le ciel. O IESVS faites moy vn iour participer à vostre gloire, & que ie contemple à present vostre Sainte humanité glorieuse; imprimés aussi en mon ame vn desir & vn zele de vostre gloire sur la terre, de vous faire connoistre, aimer, & honorer.

Pour

*Pour le iour de l'Assomption
nostre Dame.*

XV.
Aoust.

PREPARATION.

SI tu veux, ô mon ame, assister à ce triomphe de la mere de Dieu par l'oraison, il faut que tu imites l'humble & respectueuse crainte des Anges, avec laquelle en ce iour ils assistent deuant Dieu, & fondent en actions de graces. O quel abaissement.

I. POINCT.

Le premier mystere de cette feste est le bienheureux trépas de la Vierge: elle s'est preparée comme vne espouse à deux iours nuptiaux, le premier a esté la naissance de son Fils IESVS; le second sa sortie du monde, auquel elle deuoit paroître deuant son Espoux celeste. O digne preparation, ô saintes dispositions! Et ainsi qu'elle auoit esté, depuis l'Ascension de IESVS son Fils, adherante à son vouloir, pour estre separée de luy, & demeurer sur la terre; aussi en cet instant elle a adheré au vouloir de IESVS
pour

432 L'ASSOCIATION.

pour estre separée de la terre, & estre vnïe à luy. O tres saincte adherence & resignation de l'ame de MARIE entre les mains & au bon plaisir de IESVS son Fils ! elle repeta au moins en disposant ses paroles : *Voicy la seruante du Seigneur, qu'il me soit fait selon vostre parole.*

LUC I.

II. POINCT.

Le second mystere est de sa resurrection & reunion de l'ame avec le corps: & en ce moment IESVS, accompagné des Anges & de l'ame de sa saincte Mere, vint au lieu où estoit gisant le corps, le tira de la mort, & le remit à cette ame, le rendit éclatant de gloire & vn tresdigne objet du Paradis. Lors il luy donna le baiser de sa bouche si long temps desiré de l'Espouse aux Cantiques : *qu'il me baise du baiser de sa bouche !* Baiser de la iouissance de Dieu & de la vision beatifique. Lors MARIE receut sa gloire consommée, & l'estat de son eternité. O qu'elle ioye de son ame, & qu'elle communication d'amour & de ioye avec l'ame de IESVS ! Quels furent les deux premiers regards en ce moment de ces deux lumieres du Paradis !

CANT. I.

III.

III. POINCT.

Le troisiéme est de l'elevation & Assomption de MARIE en la gloire: Elle estoit appuyée sur son bien aimé, embrassée de sa droite; les chœurs angeliques admiroient sa beauté & la splendeur de sa gloire; elle estoit doucement eleuée en haut, puis dans les cieus, & elle passa tous les ordres des Anges, & fut établie & couronnée par la sainte Trinité, Reyne des cieus & de la terre. O quels honneurs, quels homages, & reconnoissances des Anges & des Saints qu'elle gloire & quelle puissance de MARIE!

Pour le iour de Saint Barthelemy XXIV.
Apostre, sur les paroles de l'E- Aoust.
uangile, & les excellences du
Saint.

PREPARATION.

OV est IESVS, là doit estre nostre thresor, nostre cœur, & nostre amour. O qui me donnera la grace de

T le

434 L'ASSOCIATION.

le trouuer & de le posseder à iamais!
L'oraison en est vn moyen singulier.

I. POINCT.

IESVS alla en la montagne pour prier & il passa toute la nuit en oraison. L'oraison de IESVS doit estre l'exemple de la nostre, pour estre imitée & en doit estre aussi le merite, pour nous donner grace de bien prier. Ainsi pour faire oraison il faut suiure IESVS, aller en la montagne, se retirer des affaires & des pensées de la terre, entrer en recollection & en solitude avec nostre Seigneur: il faut auoir temps & lieu déterminé à cet effect. O tres douce retraite & solitude de l'ame avec IESVS! ô oraison de mon Sauueur continuée toute la nuit, pleine d'efficace & de merite pour nous!

II. POINCT.

LUC 6.

Le iour estant venu il appella ses Disciples, & en choisit douze d'entre eux, qu'il nomma Apostres. IESVS fait Oraison auant que d'esslire ses Apostres, pour nous enseigner de ne rien entreprendre sans l'offrir & le recommander à Dieu

L'ASSOCIATION. 435

Dieu par la priere. Ce choix & cette vocation temporele est vne execution de la predestination eternele des Apostres. O tres heureux Apostres, qui ont esté regardés, appelés, & choisis de Dieu dans son Eternité, pour vn si grand office; & qui au temps ordonné ont esté regardés, appelés, & choisis de IESVS sur la terre, pour estre les Apostres par tout le monde, & le fondement de son Eglise! O IESVS accomplisés maintenant en moy les volontés eterneles que vous aués eües sur moy.

III. POINCT.

Sainct Barthelemy a tres-parfaictement cooperé à sa vocation Apostolique: car il a quitté tout, c'est à dire toutes les choses exterieures, & même sa propre peau, ayant esté escorché tout vif; & en fin sa vie, pour suiure IESVS, pour conseruer la foy, & l'amour de IESVS, & pour les planter & imprimer dans les ames. O glorieux trauals supportés par ce Sainct, qui ont conuertit tant d'ames! O IESVS faites que ie vous suiue, que ie vous aime, que ie vous obeisse aux depans de tout ce que i'ay, & de ma propre vie.

XXIX. *Pour le iour de la decolation saint
Aoust.
Iean Baptiste.*

PREPARATION.

IE m'approche de vous mô Seigneur, comme affamé du pain de vie, & comme alteré de la fontaine de salut, & comme mendiant du threfor de tous biens.

I. POINCT.

Sainct Iean Baptiste a esté vne viue image & representation de IESVS, & qui n'a fait autre chose que le regarder, que l'honorer, & le faire connoistre, ainsi que l'image son prototype, & que rendre tesmoignage de luy & l'exalter. C'est pourquoy il s'est toujours humilié pour glorifier IESVS, il a refusé d'accepter l'honneur du Messie, à fin de le luy attribuer; & il disoit: *Il faut qu'il soit exalté, & moy humilié.* En fin saint Iean a esté humilié, & diminué de la reste qui luy a esté coupée, & IESVS a esté axalté & étendu en croix. O grand office de saint Iean, & qui doit conuenir

Iuan. 3.

L'ASSOCIATION. 437

nit à proportion à vn chacun, qui est de s'humilier à fin de glorifier IESVS, de se mépriser à fin de l'honorer.

II. POINCT.

Sainct Iean a esté rempli d'un grand zele, de la haine du peché, & de l'amour de Dieu: c'est pourquoy il reprend fortement les vices des Pharisieus, des Prestres, du peuple, & du Roy Herodes, sans aucune crainte mondaine. Il donne aussi des enseignemens de salut à vn chacun selon sa disposition: car son pere Zacharie auoit predit, qu'il venoit *pour donner au monde la science de salut.* Luc 1.

O glorieux Sainct imprimés en moy la haine du peché & l'amour de Dieu; arrachés les vices, & plantés les vertus en mon ame, détruisés & batifés en moy vne demeure à IESVS.

III. POINCT.

La sainte prouidence de Dieu est admirable enuers ses Saincts: car elle permet que saint Iean soit abandonné à la rage d'une femme impudique; qu'il soit mis en prison, & en fin que parmy les danses & bâquets il soit mis à mort,

438 L'ASSOCIATION.

& ce pour la defence de la pudicité. O providence de Dieu tres secrette, que nous devons adorer, & non pas éplucher, à laquelle il se faut soumettre & assuietir, & non la penetrer ! Car c'est par les souffrances & par les humiliations, qu'il purge & sanctifie ses plus chers, puis qu'il a eleué par cette voye son bien aimé saint Iean en la gloire.

XXXI. *Pour le iour saint Lazare Euesque
de Marseille.*
Const.

PREPARATION.

O Que c'est chose douce & desirable d'estre avec IESVS ! où est IESVS il n'y a aucune peine ni aucun travail, ou ce travail est aimable pour IESVS, & prier, qu'est-ce sinon estre avec IESVS, & s'entretenir par l'oraison avec luy ? C'est dont la grace que ie demande.

I. POINT.

IESVS a exercé son amour & sa puissance sur ses deux bien aimés, sainte Magdelaine, & son frere le Lazare: l'effort

fort & la puissance de son amour enuers Magdelaine , pour ressusciter son ame morte au peché; & l'amour & l'effort de sa puissance enuers le Lazare, le ressuscitant corporelement. O IESVS tout puissant à aimer & aimant de toute sa puissance , exercés donc sur moy vostre amour & vostre puissance , à fin que i'aime l'vn & que ie m'humilie & m'assuietisse à l'autre.

II. POINCT.

Le plus grand de tous les miracles de IESVS a esté la Resurrection du Lazare , auquel il a aussi donné vne nouvelle vie en l'ame , vie d'amour , & de grace confirmée : miracle duquel les Iuifs ont pris occasion de faire mourir IESVS. Vous aués, mon Sauueur , aimé le Lazare , mais vous aimés aussi puissamment nos ames , puis que vous les voulés ressusciter & iustifier au prix de vostre mort & passion. Tirés mon ame du tombeau de ses vices & imperfections , appliqués moy l'efficace de vostre mort à fin qu'elle me viuifie.

III. POINCT.

IESVS, en ressuscitant le Lazare son amy, auoit de grandes pensées & desfeins. I. De donner vn signe & vne figure expresse de sa propre resurrection. II. Il regardoit l'accroissement en grace, en amour, & en toute perfection que le Lazare, qu'il aimoit, deuoit en suite acquerir par ses trauaux. III. Toutes les ames qui deuoient dans la Prouence estre conuerties & sauuées iusques à la fin du monde par ses predications, trauaux, & par la foy premierement plantée par saint Lazare. IV. En fin il vouloit faire connoistre le grād amour qu'il luy portoit en pleurant à son tombeau par vne tendresse d'amour, & en le ressuscitant par la puissance du même amour; à fin de ietter par ce moyen à luy & en sa maison le fondement de la famille de sa vie laborieuse sur la terre. O glorieux Saint & amy de IESVS acceptés moy pour vn des moindres seruiteurs d'icelle.

*Pour la Feste de la Natiuité de la
saincte Vierge.*

VIII.
Septem-
bre.

PREPARATION.

Quiconque me suit (dit IESVS) ne mar- Ioan. 8.
che point en tenebres, mais il aura la
lumiere de vie. Donnés donc, ô mon
Seigneur, à mon ame la grace de vous
chercher, de vous trouuer, & de vous
fuiure en l'oraison. Et vous, ô saincte
Vierge, aurore naissante, repandés en
moy vostre lumiere, & éclairés mes te-
nebres.

I. POINCT.

L'Eglise chante en ce iour : *Vostre
Natiuité, ô Vierge mere de Dieu, a aporté
vne ioye vniuerséle à tout le monde.* La
premiere cause de cette ioye est, que la
saincte Vierge naist comme vne auro-
re auant-courriere du vray Soleil de
iustice. C'est le premier rayon de la
misericorde de Dieu enuoyé au mon-
de, pour dissiper les tenebres du peché
& de l'ancienne loy : c'est la premiere
grace & le premier effet que Dieu a

T s voulu

442 L'ASSOCIATION.

voulu produire en l'exécution du grand œuvre de nostre Redemption. C'est pourquoy MARIE est appellée, par la sagesse, le commencement des œuvres de Dieu. O sujet de ioye vniuerselle! Car puis que l'aurore paroist, le Soleil se leuera: l'aurore c'est MARIE, IESVS est le Soleil. Nous vous remercions, ô Pere tout puissant, de ce qu'il vous plait répandre vos misericordes au monde en ce iour.

II. POINCT.

L'Eglise celebre trois Naissances, de saint Iean, de MARIE, & de IESVS. Saint Iean est l'etoile, MARIE la Lune, & IESVS le Soleil. Saint Iean est le precurseur, MARIE est la mere de Dieu, & IESVS le Sauueur du monde. Saint Iean a esté sanctifié au ventre de sa mere, MARIE a esté preseruée du peché originel, IESVS est impeccable par nature, & le Sauueur des pecheurs. C'est pourquoy du premier il est dit: *Plusieurs se resjouiront en sa naissance*: de MARIE, qu'elle a apporté vne ioye à tout le monde: & de IESVS l'Ange dit: *Je vous annonce vne grande ioye*. O Natiuité des

LUC 1.

LUC 2.

Saincts

L'ASSOCIATION. 443

Saincts pleine de ioye! ô naissance des pecheurs digne d'estre plorée! La seule grace de Dieu doit estre l'objet de nostre ioye, & le peché de nos pleurs.

III. POINCT.

Cette ioye doit estre vniuersele & commune à tous; aux Anges, parce que c'est leur Reyne qui est née, aux hommes iustes & pecheurs, parce que c'est la Mere de grace & de misericorde; Bref à tous les temps, passés, presents, & à venir, si que nos affections en ce iour doiuent estre d'une action de graces à Dieu, au nom des Anges & des hommes, pour le don qu'il nous fait de MARIE, gage tres asseuré de la venue de son Fils au monde: & puis d'un renouuelement de nostre pieté & deuotion enuers la saincte Vierge, à fin de renaistre avec elle en l'amour de son Fils: En fin, d'une oblation de nostre treshumble seruitude à IESVS, & à MARIE. Receués nous, acceptés nous, & regardés nous, ô saincte Mere de Dieu, comme les sujets & esclaves de IESVS & de vous.

XIV.
Septem-
bre.

*Pour le iour de l'Exaltation sainte
Croix.*

PREPARATION.

OV iray-ie Seigneur? à qui auray-ie recours dans le naufrage vniuersel des pechés sinon à l'arche sacrée de vostre croix, pour me sauueur? c'est à ses pieds que ie me veux recueillir, & vous demander la grace de faire oraison.

I. POINCT.

Ph. 2.

IESVS-CHRIST nostre Seigneur s'est humilié iusqu'à la mort, & à la mort de la croix; & pource Dieu le Pere l'a exalté, c'est à dire, à proportion de son humilité, il l'a releué & glorifié, luy donnant vn Nom qui est par dessus tout Nom, l'eleuant au dessus de toute creature iusqu'à sa dextre. O grande difference de IESVS en croix entre deux larrons, & de IESVS en gloire à la dextre du Pere de l'humiliation de IESVS en la croix, & de son exaltation en sa gloire! C'est le même IESVS, autant adorable en l'une, comme en l'autre.

II.

II. POINCT.

IESVS crucifié a esté exalté, & par consequent la Croix, d'autant qu'il a esté preché par tout le monde, creu par les Gentils, adoré par les Roys & Emperours qui reluisent plus avec le signe de la croix, qu'avec leurs sceptres & diademes. O IESVS qui estes l'agneau mis à mort & crucifié; vous estes digne de receuoir honneur, loüange, gloire, & benediction de toute creature. Je vous louie, ie vous honore, & ie vous adore, & vous benis pour iamais.

III. POINCT.

IESVS dit : *Lors que ie seray éleué de la terre (c'est à dire en croix) i'attireray toutes choses à moy.* Ioan. 12. IESVS a attiré les Anges, les hommes, les Iuifs, les Gentils, les pecheurs, les riches, les pauvres, les Philosophes, & les Idiots : IESVS a attiré les Martyrs à souffrir tant de tourmens, les Confesseurs à faire de si rigoureuses penitences, les Vierges & toutes les saintes ames aux parfums de sa croix. O IESVS attires mon cœur à vous, mon amour, mes affections, mes desirs, mes pensées,

446 L'ASSOCIATION.

pensées, mes sens, mes actions, & toutes mes peines & souffrances ! Je vous offre & ie vous donne tout ; daignés-le sanctifier, en hommage & par vnion à vos actions & à vos souffrances: attirés moy, Seigneur, à l'odeur tres souuefue d'icelles. Ainsi soit-il.

XXI.
Septem-
bre.

*Pour le iour saint Matthieu
Apostre.*

PREPARATION.

Q Vi oseroit, Seigneur, s'approcher de vous, crainte qu'ainsi que la cire se fond au feu, de même les pecheurs ne perissent deuant vous ? Mais, ô IESVS, vous estes ce IESVS, & Sauueur des pecheurs, & vous les conuiés de venir à vous ; en cette confiance ie me prosterne à vos pieds.

I. POINCT.

La conuersion & vocation du Publicain Matthieu à l'Apostolat paroît la plus admirable entre celles que IESVS a fait de ses Apostres. I. Les autres ont esté

L'ASSOCIATION. 447

esté des vocations du monde à la fuite de IESVS, de la pefche, ou de quelque vocation licite à l'Apostolat, & non pas proprement des conuersions ou changemens de mal en bien, mais de bien en mieux: mais celle de saint Matthieu est non seulement vocation, ains aussi vne conuersion d'un estat de peché à un estat de grace tres eminente, des vsures, larcins & oppressions qui s'exerçoient en l'office de Publicain, au delaissement de toutes choses, & à la pauvereté volontaire, & à l'humilité de la fuite de IESVS. O misere du pecheur! ô misericorde du Sauueur qui fait faire abonder la grace où abonde le peché! O grace de IESVS tres-puissante qui a changé en vn instant le cœur, la volonté, & l'ame de ce disciple, d'une si grande extremité en l'autre! O IESVS operés en moy ce même changement!

II. POINT.

La conuersion de saint Matthieu a esté tres-parfaite & nō à demy, ce qu'il a testimoigné faisant aussi tost vn grand banquet à IESVS en sa maison, ce qui monstre son entier changement, son affection,

448 L' ASSOCIATION.

fection, & la ioye d'estre avec IESVS, & de le suiure. Aussi cela est la figure de la ioye & de la gloire que rendoient les Anges à Dieu dans le Ciel, à la conuersion de ce pecheur Publicain. O IESVS appellés moy à vous, que ie sois avec vous, que toutes les puissances de mon ame vous benissent, & vous preparent vn banquet spirituel de vraye penitence, de louange, d'amour, & d'action de graces.

III. POINCT.

Matth.
9.

IESVS appella saint Matthieu exterieurement par sa parole, disant : *Suinés moy* : mais il l'attira efficacement par sa grace. O operations puissantes de IESVS en ce moment, dans l'ame de ce pecheur penitent ! car il luy donna vne claire lumiere en l'entendement, qui luy fit voir la laideur de ses pechés, le danger de son estat miserable, que IESVS estoit le vray Messie attendu, & le Fils de Dieu ; & il changea ses affections, son cœur, & sa volonté, il luy imprima vne viue douleur de ses fautes, la haine de soy-même, & l'amour de Dieu ; Bref, il le toucha si puissamment que sans differer,

L'ASSOCIATION. 449

differer, quittant tout, *Secutus est eum*, il *ibid.*
le suiuit. O bon IESVS donnés moy quel-
que part à cette grace, soyés le IESVS
de mon ame.

Pour la Feste de sainct Michel, & des *XXIX.*
sainctes Anges. *Septem-*
bre.

PREPARATION.

LEs Anges, Seigneur, assistent en vo-
stre presence avec crainte & trem-
blement : Hé combien plus moy qui
suis vn petit vermisseau, & vn tres-in-
digne pecheur ? Mais que vostre mise-
ricorde releue ma misere.

I. POINCT.

Ce mot, *Michael*, signifie *quis vt
Deus* ? qui est comme Dieu ? Ce sainct
Archange est ainsi appellé, parce qu'il
a fait adorer la Maiesté de Dieu, dans le
ciel, par les Anges fideles, lesquels se
sont soumis à luy de toute leur puissan-
ce : & en la vertu de cette parole, *Mi-*
chael, qui est comme Dieu ? il a vaincu
Lucifer & ses adherans, il a chassé l'or-
gueil

450 L'ASSOCIATION.

gueil & l'amour propre des cieux. O glorieux saint Michel, prince de la milice celeste, faites moy ressentir & apprehender la grandeur de Dieu, chassés de mon ame tout orgueil & amour propre, contraire au tres-pur amour de mon Dieu.

II. POINCT.

Les Anges dès le premier instant se sont conuertis à Dieu sans iamais s'estre depuis détournés de sa veüe & de son amour, & ils sont toujours adherans à sa sainte volonté, assistent en sa sainte presence avec vne profonde reuerence, executent ses commandemens avec vne prompte obeissance. O conuersion des Anges à Dieu ! ô amour parfait ! ô reuerence & obeissance digne d'estre imitée de nous ! ô saints Anges conuertissés nos ames & nos cœurs vers Dieu, & nous assuietissés à ses saintes volontés.

III. POINCT.

ENTRE tous les Esprits celestes nous sommes tres obligés à nos Anges gardiens, lesquels nous guident, nous conduisent,

L'ASSOCIATION. 451

conduisent, & nous preferuent de mille
 maux corporels & spirituels. Ils ne
 nous delaisent iamais, & nous font vn
 million de tres - grands bienfaits : &
 pour ce nous leur deuons , I. Vne gran-
 de reuerence & respect. II. Vne recon-
 noissance & action de graces, pour tant
 de faueurs. III. Leur rendre chaque
 iour quelque homage & honneur, les
 inuoquant & priant en tous nos be-
 soins & en toutes nos ceures. O Anges
 bien-heureux defendés nous de tout
 mal, conduisés nous au chemin de sa-
 lut, & nous pardonnés l'ingratitude &
 méconnoissance que nous commettons
 enuers vous.

Pour le iour de saint Luc Euangeli- X V I I I .
ste, & les eminences de ce Saint. Octobre.

PREPARATION.

L'Oraison est vne mystique echelle
 de Iacob, par laquelle les Anges
 montoient & descendoient : car ainsi
 par l'oraison nous montons à Dieu en
 priant, Dieu descend à nous en octro-
 yant

452 L'ASSOCIATION.
yant ses graces. O IESVS faites moy cet-
te misericorde.

I. P O I N C T.

Sainct Luc a esté l'Euangeliste des
mysteres de l'enfance de IESVS, & en
suite de la Famille de IESVS & MARIE.
C'est luy qui les a tous décrits en par-
ticulier, comme aussi sa vie voyagere &
laborieuse, ayant rapporté ses labours
& ses predications tout au long. O
grande application, grand amour & de-
uotion de sainct Luc à l'enfance de
IESVS, & à sa vie laborieuse. O glorieux
Sainct impetres moy quelque grace de
la sainte Famille de IESVS en terre, &
m'introduisés en icelle.

II. P O I N C T.

Sainct Luc a esté l'Euangeliste de la
Vierge, & a eu avec elle vne grande fa-
miliarité, il luy a porté vn singulier
amour, vne reuerence & deuotion: car I.
il n'a pû apprendre les mysteres de l'An-
nonciation, & de l'Incarnation, de la
Visitation, de la Natiuité, & les autres
de l'enfance de IESVS, que de la seule
bouche sacrée de MARIE, & par vne
tres

L'ASSOCIATION. 453

tres secreete conference avec elle. II. Il a eu tellement imprimée en son Esprit sa beauté, sa saincteté, & sa modestie extérieure, qui faisoient paroistre l'eminente perfection de son ame, qu'il la depeinte au vif en vn tableau. O bien heureux Sainct rendés nous seruiteurs de la Vierge, imprimés en nous vne reuerence & vne pieté enuers elle, & l'image de ses sainctes vertus.

III. POINCT.

Sainct Luc a non seulement contemplé & décrit les trauaux & les predications de IESVS, mais aussi il les a imités, ayant esté choisi & ordonné par l'Eglise pour compaignon des trauaux & voyages de sainct Paul, lesquels il a aussi couchés par écrit, & ainsi rempli du Sainct Esprit, il a beaucoup travaillé pour la gloire du Fils de Dieu, & pour la conuersion des Ames. O IESVS donnés nous vostre Sainct Esprit, & le zele de vostre gloire, & du salut des ames.

Pour

XXVIII. *Pour la Feste saint Simon, & saint
Octobre. Jude, de la vie & de la grace
Apostolique.*

PREPARATION.

IE ne puis, Seigneur, ie ne puis rien
sans vous, non plus que la branche
separée du sep ne porte point de fruit,
ie ne puis auoir vne bonne pensée de
moy même. Imprimés donc en moy la
volonté pour desirer, le desir pour de-
mander, & la grace d'impetret.

I. POINCT.

La vie Apostolique a esté vne tres-
viue image de la vie de IESVS au mon-
de: image qui a esté formée & moulée
pendant les trois années que les Apo-
stres ont conuersé avec luy: car il leur
a lors imprimé ses vertus, son Esprit,
son humilité, sa modestie extérieure, &
les tres-hautes & tres-humbles verités.
Avec quelle douceur & efficace IESVS
les a enseignés & par ses exemples &
par ses paroles? Avec qu'elle benigni-
té il a conuersé avec eux? O familiari-
té

L'ASSOCIATION. 455

té de Dieu incarné avec les hommes!
O conuersation tres-saincte qui doit
estre le modele & l'exemplaire de tou-
tes les nostres !

II. POINCT.

Ainsi que IESVS au monde a voulu
viure vne vie cachée , & inconnue ius-
ques à trente ans, & puis vne vie peni-
ble & pleine de trauaux & de souffran-
ces ; ainsi la vie des saints Apostres a
esté en ces deux points : car I. Ils ont
esté méprisés, abiets, humbles, & incon-
neus au monde, & pendant leur vie, &
maintenant à nous. O si nous sçauions,
quand , comment & combien de temps
ils faisoient oraison, ils se mortifioient,
ils prenoient leurs repos, ou les autres
nécessités corporeles , à fin de tacher
de les imiter de loing ! II. Ils ont tous
souffert & enduré de tres grands tra-
uaux & persecutions. O glorieux Apo-
stres , que nous soyons vos imitateurs,
comme vous l'aués esté de IESVS, & que
nous desirions de souffrir pour luy !

III. POINCT.

IESVS a communiqué à ces deux
saints

456 L'ASSOCIATION.

saincts Apostres Simon & Iude sa grace & son Esprit en plenitude, & comme les premices de l'Esprit & grace de la nouuele loy, à fin de la repandre dans les ames. O amour tres-ardent, ô lumiere, ô zele de la gloire de I E S V S & du salut des ames, ô humilité, ô patience avec la plenitude des autres vertus qui a esté dans ces saincts Apostres! O I E S V S donnés nous en quelque petite participation!

1. *Pour le iour & Feste de tous les
Saincts de la gloire des Cieux.*
Nouem-
bre.

PREPARATION.

O Mon Souuerain Roy de gloire, ie vous contemple enuironné, regardé, adoré, & aimé de tous les esprits Angeliques, & de tous les Patriarches, Prophetes, Apostres, Martyrs, Confesseurs, & Vierges en la celeste Sion, comme le Soleil au milieu des Estoiles. Soyés moy, s'il vous plait, propice & misericordieux en cette oraison.

I.

I. POINCT.

La gloire & la beatitude des Saints est vn estat tres assure & eternel, de repos, de ioye, de plaisirs, de richesses, d'honneur, & de toute sorte de biens, d'autant qu'ils voyent face à face Dieu, iouissent de Dieu en soy, ils le possèdent parfaitement sans le pouuoir perdre, ils l'aiment sans iamais pouuoir cesser de l'acte tres aimable de son saint amour; ils sont vnis à Dieu, sans en pouuoir estre separés, & sans pouuoir commettre en toute eternité vn seul peché. Dieu est l'Ocean de tout bien & des felicités eterneles, là aussi il n'y a aucun mal, aucune facherie ni tristesse, ni chagrin, ni maladie, ni douleur, parce que tout cela est passé. O estat tres desirable! ô bien tres-pur & accompli sans aucun mal! ô chose desirable d'aimer Dieu eternelement sans pecher!

II. POINCT.

Les Saints voyent clairement l'essence diuine, la Trinité des personnes, & leurs eterneles processions; & leurs

458 L'ASSOCIATION.

perfections essentielles ; ils voyent & contemplent IESVS-CHRIST nostre Seigneur en sa sainte humanité ; ils connoissent les mysteres de nostre salut , ils participent à la gloire de IESVS , ils mangent & sont assis à sa table comme il leur auoit promis ; ils voyent aussi la tres sainte & tresacrée Vierge ; en fin, les Saints sont compagnons d'une même gloire, & viuent en vne tres parfaite charité. O comble de tout bon-heur ! ô felicité ! ô vie eternele tres desirable ! hé ! quand sera ce, Seigneur (disoit le prophete) que ie viendray & paroistray deuant vostre face ?

Ps. 41.

III. POINCT.

La sainte Eglise celebre la Feste de tous les Saints , à fin de supplier tous les deffauts que nous auons commis à leurs Festes particulieres en l'année. II. Pour honorer tous les Saints inconneus en la terre , desquels les Festes ne sont celebrées en l'année. III. Pour nous exciter par la representation de leur gloire à desirer d'en estre vn iour participans , à rendre & aspirer au ciel de tout nostre cœur & affection. IV. Pour

L'ASSOCIATION. 459

Pour nous animer à l'imitation de leurs
sainctes vertus, & suiure leur exemple,
si nous voulons iouir de leur gloire. V.
En fin, pour estre aidés & assistés par
leurs sainctes prieres & intercessions.
O sancti Dei omnes intercedite pro nobis.

Pour le iour de la Presentation de la XXI.
tres-saincte Vierge au Temple: au- Nouem-
quel l'Association a prins son com- bre.
mencement.

PREPARATION.

I'Ay peché Seigneur deuant le ciel &
deuant vous, & ie ne suis pas digne
de paroître en vostre saincte presence:
mais i'ose m'en approcher sous la fa-
ueur & intercession de vostre tres-sain-
cte Mere, que i'implore.

I. POINCT.

La saincte Vierge des l'instant de sa
conception ayant esté sanctifiée, &
ayant receu, comme il est tres proba-
ble, l'vsage de la raison, a des lors tres-

V 2 par

460 L'ASSOCIATION.

parfaitement correspondu aux graces de Dieu, & s'est accreüe en icelles de moment en moment, iusques à ce iour de sa presentation, qu'elle paroît toute belle sans tache, & pleine de grace aux yeux de son Espoux celeste. C'est pourquoy les Anges l'admirerent disants: *Qui est celle-cy qui va toujours s'auançant, se levant comme l'aurore, belle comme la Lune?* O sainte Vierge faites que ie coopere & que ie m'auance aux graces de Dieu, & que i'honore vostre continuel progrès.

Cant. 6.

II. POINCT.

Nous deuous remarquer diuerses vertus de la tres-sainte Vierge, lors que à l'aage de trois ans elle fut présentée au temple. I. Vne profonde humilité, en reconnoissance & hommage à la grandeur de Dieu, & à la veüe de son neant. II. Vn tres grand desir de plaire en tout à sa Maïesté. III. Vne resignation & oblation tres parfaite de soy & de sa vie à Dieu en ce iour, avec vn parfait desir que toutes les volontés de Dieu fussent accomplies en elle. En fin, sa Virginité, de laquelle elle fit veu à
Dieu

L'ASSOCIATION. 461

Dieu qui luy fut tres-agreable. O tres
saincte Vierge, faites - moy la grace
d'honorer & d'imiter de tout mon pou-
voir vos admirables vertus !

III. POINCT.

Les affections & dispositions esquel-
les nous devons entrer à l'exemple & à
l'honneur de la saincte Vierge sont. I.
de renouveler nostre oblation à IESVS-
CHRIST, & à sa saincte Mere, & à saint
IOSEPH, en leur saincte Famille & asso-
ciation à icelle, qui a pris commence-
ment en ce iour. II. Nous mettre, nous
conferuer, & nous renouveler en la pre-
sence de Dieu, avec vne grande reueren-
ce & humilité. III. Exciter en nous
vne cordiale deuotion enuers la saincte
Vierge, comme enuers nostre Reyne &
Souueraine, & nostre mere de miseri-
corde. O saincte Vierge receués moy,
acceptés moy, & intercedés pour
moy.

XXX.
Nouem-
bre.

*Pour la Feste de l'Apostre saint
André.*

PREPARATION.

HElas Seigneur, ie suis dependant de vous plus que le rayon n'est pas de son Soleil, & la terre de ses influences; i'ay donc besoin de grace pour obtenir vostre grace par l'oraison.

I. POINCT.

Marc 1.

IESVS dit à saint Pierre & à saint André: *Venés apres moy, & ie vous feray estre pescheurs d'hommes* IESVS preuient ses Apostres, il les choisit & appelle auant qu'ils pensent à luy. *Je vous ay* (dit-il) *choisis & vous ne m'aués pas choisi.*

Ioan. 15.

O grace & misericorde de Dieu preuenante! Que suis-ie, Seigneur, & qu'ay-ie merité que vous m'ayés appelé à vostre foy, à vostre connoissance, à vostre saint amour, & à vostre service? O mon Seigneur soyés en benit-eternelement.

II.

II. POINCT.

IESVS parle & appelle exterieurement ses Apostres; mais il les attire interieurement par l'efficace de sa grace. *Venés* *Marc. 1.*
apres moy: O parole tres-douce & tres-puissante, estant proferée par le Verbe & par la parole du Pere eternel, & accompagnée de sa grace! Ainsi la sapience eternele fait tout fortement, & dispose toutes choses suauement. O bon IESVS appelés & attirés moy à vous!

III. POINCT.

Et eux quittāt tout, ils le suiuirent. *Qu'est* *Marc. 1.*
 ce qui est plus admirable, ou la bonté de IESVS, ou l'obeissance des Disciples lesquels à cette parole laisserent leur barque, leurs biens, leur maison, & pais, pour suiure IESVS, & estre pauvres, & souffrir avec luy? O fidelité & prompte obeissance! ô saint André impetrés moy la grace d'obeir promptement & fidelement à la voix interieure de mon Sauueur. O grands effets de cette parole de IESVS qui fit les Apostres; & qui de pescheurs de poissons qu'ils estoient, les fit pescheurs d'hommes,

464 L' ASSOCIATION.

mes, d'ignorans qu'ils estoient, les fit Docteurs de tout le monde, & les trompettes Euangeliques qui ont resonné par toute la terre!

VIII.
Decem-
bre.

Pour le iour de la Conception de la tres-saincte & toujours Vierge MARIE.

PREPARATION.

Confessés deuant Dieu vostre pureté & indigence, & demandés à la sainte Vierge vne miette de sa table, c'est à dire, vne petite participation à ses graces.

I. POINCT.

Dieu ayant ordonné de toute eternité d'enuoyer son Fils vnique au monde, il a aussi regardé vne pure creature laquelle il a voulu estre exempt de tout peché même originel en sa conception; luy preparant vne plenitude de graces & des dons du saint Esprit, pour la rendre la plus sainte & la plus digne qui deuoit estre iamais, pour me-
re

L'ASSOCIATION. 465

re de celuy sur la terre, dont il est Pere dans les cieux. O grand Dieu i'adore ce diuin & eternel conseil que vous aués eu sur l'election & sur la conception de MARIE, & ie vous en remercie profondement.

II. POINCT.

Le moment arriué auquel Dieu a voulu faire eclorre cette aurore de nostre salut, à l'instant de son immaculée conception il l'a preseruee & empêchée par vne grace & priuilege extraordinaire, de tomber au peché originel, auquel elle eut esté sujette, comme extraite de la race d'Adam: & en suite elle a receu grace pour ne commettre iamais aucun peché actuel, ni mortel, ni veniel. O sainte Vierge, toute pure, toute belle, en ce premier moment ie vous honore, ie vous aime, puis que vous estes aimée de la sainte Trinité. Impetrés moy grace pour eüiter & fait tout peché.

III. POINCT.

En ce même moment le Saint Esprit remplit l'ame de la sainte Vierge,

466 L'ASSOCIATION.

la sanctifiant par sa grace, & répandant en elle tous ses dons. Il luy donna vn parfait vsage de raison, par lequel elle coopera à ses graces, & elle produisit des actes tres hauts d'adoration, d'oblation de soy-même, & d'amour; qu'elle conuersion, quel retour, & quels hommages, quel amour, & qu'elle reconnoissance de l'ame de MARIE enuers son Dieu en ce premier moment?

XV.
Decen-
bre.

*Pratiques pour honorer la sainte
Vierge en l'octaue de la
Conception.*

Faut l'ho-
norer &
aymer.

AV premier iour nous la deuons honorer, pour ce qu'elle a esté eleüe & predestinée de toute eternité.

Au II. iour pource qu'elle a esté promise, predite, & prefigurée en toute l'ancienne loy.

S'offrir à
elle en ti-
rre de ser-
uiteur &
d'esclane.

Au III. iour pour ce qu'elle à esté preseruée de tout peché en sa conception.

Au IV. iour pource qu'elle a esté sanctifiée en ce même instant.

Au V. pource qu'elle a receu le
Saint

L'ASSOCIATION. 467

Sainct Esprit avec tous ses dons.

Au VI. pource qu'elle a receu grace pour n'estre jamais détournée de Dieu, & pour ne le point offencer actuellement.

*Luy de-
mander
grace d'e-
stre receu
& acce-
pté d'elle
comme s'il
est slave.*

Au VII. pource qu'elle a adoré, aimé & reconneu Dieu, & s'est offerte à luy.

Au VIII. parce qu'elle a esté en sa conception vn obiet de l'amour & de la complaisance de Dieu, & vn exemplaire de toute perfection de nature & de grace, aux hommes & aux Anges.

Pour le iour de saint Thomas; sur les XXI.
paroles de l'Euangile: IESVS dit Decem-
à Thomas: voy mes mains, & bre.
porte ta main à mon costé, &
ce qui s'ensuit. Ioan. 20.

PREPARATION.

REcüieillés vous aux pieds de la croix de IESVS, & ne détournés point vos yeux de dessus luy en priant.

I. POINCT.

Voy mes mains: la veüe des playes de

V 6 IESVS

468 L'ASSOCIATION.

IESVS éclaire nos ames, & en icelles comme en vn Escole nous apprenons, I. La griueté du peché qui les a causées. II. Le prix & la valeur de nos ames, que IESVS a rachetées si chèrement. III. La grandeur de l'amour de IESVS qui a tant souffert pour nous.

II. POINCT.

Les playes de IESVS sont de medecines à tous nos maux. Iettons donc nos yeux en toutes nos tentations sur ces playes sacrées; car elles nous gueriront plus efficacement que iadis le serpent d'airain. En toutes nos aduersités ayons y recours; car elles versent vne huile de grace & de misericorde, & elles sont les cinq fontaines de Bethulie, fontaines d'amour & de vie, qui ne tarissent iamais. O IESVS que ie regarde souuent vos playes, & que i'en reçoie grace & vie.

III. POINCT.

Mettés vostre doigt là dedans, & vostre main dans mon costé. O IESVS vos saintes playes me sont de refuges & azilles; ie veux entrer en elles, pour estre en
solitude

L'ASSOCIATION. 469

solitude avec vous: ie veux mettre ma main en vostre costé, en vous imitant, & souffrant quelque chose pour vostre amour. Mais i'y veux mettre mon cœur bien auant, pour compatir, avec vous; & pour ne sçavoir avec l'Apostre & n'aimer rien, sinon IESVS, & iceluy souffrant & crucifié.

1. Cor. 2.

De l'attente de IESVS, ou expectation de l'accouchement de la sainte Vierge; pour le iour de cette feste, ou pour la veille de Noel.

XVII.

Où

XXIV.

Decembre.

PREPARATION.

ADorés le petit IESVS renfermé en sa sainte Mere, & demandés à MARIE vne petite participation à son recueillement.

I. POINCT.

IESVS Dieu tout puissant & homme parfait, avec l'usage de la raison, réside durant neuf mois dans les entrailles de MARIE. O captivité de IESVS abaissé iusques à cette petitesse! Car il a esté en elle

470 · L'ASSOCIATION.

elle avec la plenitude de sa science & sagesse. le vous adore mon Sauueur, ie vous aime, & ie vous remercie pour cette profonde humiliation & abaissement.

II. POINCT.

IESVS estoit toujours en sa saincte Mere, offrant à son Pere eternel son humiliation & toutes les pauuretés & souffrances de sa vie future, & avec vn grand desir & langueur de paroître & de naistre au monde, à fin de faire la volonte de son pere qui estoit nostre salut: & ce desir & langueur alloit toujours croissant plus le iour de sa naissance approchoit. O grand & petit Iesvs excités en moy ce desir de renaistre avec vous!

III. POINCT.

La tres-pure Vierge brûloit d'vn tres-grand desir & d'vne langueur inexplicable, vers ce iour & ce moment ordonné de la naissance de son Fils au monde, comme vne espouse vers son iour nuptial: elle desiroit voir, toucher, & embrasser le salutaire de Dieu: ainsi

tous

L'ASSOCIATION. 471

tous les feux & brasiers de tous les anciens Peres estoient allumés, & beaucoup plus ardents en son ame. O Mere & Vierge iettés en moy vne petite estincelle de vostre ardente fournaise!

Pour la nuit de Noel, du moment de la XXV.
Naissance de IESVS au monde. Decem-

LUC 2.

PREPARATION.

RECUEILLÉS vous avec MARIE & JOSEPH en la petite étable de Bethleem, & demandés vne miette de deuotion & de recueillement qui tombe de leur table.

I. POINCT.

Ce temps, cette nuit, & le moment heureux estant arriué, le Pere eternal ourant les entrailles de sa misericorde, & par le plus grand excés de son amour, voulut faire la donation actuelle de son Fils vnique au monde; donation si entiere & si parfaite que IESVS par sa naissance & depuis cé moment est fait
nostre

472 L'ASSOCIATION.

nostre pour l'eternité. Car sa vie est nostre, sa passion est nostre, & sa gloire même est nostre. Ainsi l'Ange dit : *Le Sauueur du monde vous est né.* le vous remercie, ô Pere de misericorde, de ce que vous m'aués donné vostre propre Fils, & que vous ne luy aués pas pardonné pour moy.

Luc 2.

II. POINCT.

En ce moment la tres-saincte Vierge s'offrit au Pere eternal & à son Fils & au Sainct Esprit, pour accomplir sa saincte volonté; disant avec vne profonde éléuation : *Ecce Ancilla Domini, fiat mihi secundum verbum tuum.* Et elle s'vnt au vouloir du Pere pour donner son Fils au monde. Je m'offre donc à vous, ô saincte Vierge, pour l'accomplissement des volontés de Dieu.

Luc 1.

III. POINCT.

IESVS en ce moment sortit tres-sainctement, & tres purement du cloistre Virginal comme vn rayon procede de son estoille, & au même instant il commença à pleurer & gemir, paroissant sur le foïn; & par ses tendres cris il rappela

la

L'ASSOCIATION. 473

la sa sainte Mere de son eleuation. O
IESVS attirés moy à vous , & reueillés
mon ame par vos gemissemens.

—————
Pour le point du iour, de l'heureuse XXV.
Decem-
bre.
nouvelle de la naissance de IESVS
annoncée aux Pasteurs. LUC 2.

PREPARATION.

PRosternés vous humblement de-
uant la creche du petit IESVS avec
les Anges , & luy demandés lumiere
pour contempler les mysteres de sa sain-
cte Enfance.

I. P O I N C T.

IESVS en sa nouuele naissance comme
au leuer d'vn Soleil , influa & commu-
niqua vne lumiere & vne ioye toute
nouuele au ciel & en la terre , aux An-
ges & aux hommes , de laquelle cette
lumiere, qui enuironna les Pasteurs, est
vn signe euident. O IESVS , mon diuin
Soleil , rendés moy participant de vo-
stre lumiere & de la ioye de vostre
naissance.

II. POINCT.

Luc 2. *L'Ange dit aux Pasteurs : Je vous annonce vne grande ioye, le Sauueur du monde vous est né.* Ainsi les Anges sont faits les seruiteurs & les Apostres de IESVS naissant. O grandeur de cette naissance memes en sa bassesse ! Car IESVS est né dans vn estable, mais sa Naissance est prechée par les Anges. O combien cette bonne nouuele doit rejoyr & renouueler mon ame, IESVS le Sauueur est né pour nous !

III. POINCT.

ibid. Ces bons Pasteurs allerent ensemble, & trouuerent MARIE & IOSEPH & l'Enfant posé en la creche, puis ayant reconnu ce qui leur en auoit esté dit, ils s'en retournerent benissans Dieu de ce qu'ils auoient veu & oui. Suiuons donc ces bons Pasteurs par les pas de nos affections : & quels furent les premiers sentimens & desirs de leurs ames à ces nouueles ! Quelle ioye, quelle tendresse d'amour, quelles ardeurs, & quelles graces ils receurent du petit IESVS, en le voyant & adorant ? Et quelle fut leur
iubi

L'ASSOCIATION. 475
jubilation & action de grace en leur
retour?

Pour la troisieme Messe des trois Naissances de IESVS. XXV.
Decem-
bre.

PREPARATION.

IESVS est né pour estre la lumiere du monde : demandés luy donc humblement qu'il vous éclaire, & inuqués la tres-saincte Vierge sa Mere.

I. POINCT.

La premiere Naissance de IESVS est diuine & eternele de Dieu son pere, par laquelle il est toujours actuelement engendré sans aucune dependance, sans indigence, sans inferiorité ni posteriorité; estant Dieu de Dieu, lumiere de lumiere, égal & coeternel à son Pere. O grandeur adorable de cette diuine naissance! ie vous adore, ô IESVS, comme toujours actuelement emanant du Pere.

II. POINCT.

La deuzieme Naissance de IESVS est temporele

476 L'ASSOCIATION.

temporele & humaine, par laquelle il est né de MARIE en ce iour : mais dépendant, indigent, postérieur, & inférieur à MARIE en sa chair. O grandeur admirable de cette naissance si humble, si pauvre, & si souffrante ! Il naist du Pere sans estre inférieur ; & naissant de MARIE il se rend inférieur à elle.

III. POINCT.

La troisième Naissance est spirituelle en imitation & hommage de la Naissance de IESVS au monde, par laquelle IESVS naist en nous par sa grace, par son amour, lors qu'il nous retire de l'estat du peché, ou qu'il nous donne accroissement de grace : & c'est ainsi qu'il veut naistre en nos ames comme en la creche. Puis il y veut croistre & faire progrès par l'exercice des vertus. O IESVS daignés choisir l'étable de mon ame pour renaistre en moy, & la rendre vn Paradis de vostre amour !

Pour

Pour le iour de saint Estienne.

XXVI.

Decem-
bre.

PREPARATION.

Vostre oratoire ce doit estre la
saincte Creche, recüeillés vous
donc en icelle pour y faire oraison.

I. POINCT.

Le petit IESVS naissant, par sa foi-
blesse & petitesse a donné la force, in-
flué & communiqué l'esprit & la gra-
ce à tous les saints Martyrs, & particu-
lièrement à *saint Estienne, qui estoit plein Act. 6.*
de grace & de force, & plein du Sainct
Esprit. O IESVS i'honore l'efficace &
les diffusions de grace de vostre Naif-
sance, & ie vous en demande quelque
petit rayon.

II. POINCT.

Sainct Estienne estoit rempli de
IESVS & de son Esprit, il parloit par
luy: & regardant le ciel il vid IESVS
seant à la dextre du Pere. O amour tres
grand de ce Sainct vers IESVS, ô regard
de ce Sainct vers I E S V S dans le ciel,

ô

478 L'ASSOCIATION.

ô quelle nouuele grace & force il a
receüe de luy.

III. POINCT.

A. 7. Sainct Estienne estant lapidé priort,
disant : *Seigneur IESVS receués mon
esprit : & mettant les deux genoux en ter-
re s'écria : Ne leur imputés point ce peché.*
Ainsi sainct Estienne a aimé & imité
IESVS en sa vie & en sa mort. O amour
de IESVS , puissant amour, mortifiant &
viuifiant ! Amour qui a ietté les flam-
mes d'une tres ardente charité mesmes
enuers des persecuteurs ! O grand
Sainct donnés nous vne estincelle de
vostre feu si brûlant & de vostre amour
vers vos ennemis.

XXVII.
Decem-
bre.

Pour le iour de sainct Iean
l'Euangeliste.

LA Creche est le liect nuptial de
IESVS nostre Espoux , allés y
vous offrir à luy & à MARIE sa sain-
cte Mere.

I.

I. POINCT.

Sainct Iean s'appelle le *Disciple le-* *Ioan. 1. 1.*
quel IESVS aimoit : L'amour de IESVS
 en ce Sainct est la source & la cause
 de toutes ses grandeurs & preeminences : car si ce Sainct a esté le fidele tes-
 moin des plus cachés mysteres de IESVS
 sur terre , comme de sa Transfigura-
 tion & de son agonie , & s'il a reposé
 sur sa poitrine sacrée , en la Cene , ç'a
 este par le priuilege de l'amour de
 IESVS. O sainct Iean ie vous regarde
 comme vn digne obiet de l'amour de
 IESVS ! grand priuilege de cet amour.
 O quels effets il a produit en son
 ame!

II. POINCT.

Sainct Iean a esté vn des grands
 Sainctes de la Famille de IESVS sur
 terre , & vn de ceux qui a participé
 plus hautement à son Esprit & à la gra-
 ce de son Incarnation. C'est pourquoy
 outre l'amour de grace IESVS l'a aimé
 d'un amour tendre & affectif , d'un
 amour humain , d'un amour de fa-
 miliarité. O grand Sainct receués moy
 en

480 L'ASSOCIATION.
en la Famille de IESVS, & m'obtenés
part en ce tres chaste amour!

III. POINCT.

Sainct Iean a esté presant sur le Caluaire; & a assisté à la croix, passion & mort de IESVS son cher Maistre, il a participé tres amplement à ses souffrances & à celles de sa tres innocente Mere. C'est pourquoy il a merité de luy estre donné pour Fils, & de la recevoir pour sa Mere. Ainsi donc que saint IOSEPH a esté le tuteur de MARIE en l'enfance de IESVS, aussi saint Iean a esté son tuteur & gardien en son veuage, & apres la mort de son Fils. O grand Sainct donnés moy part en la croix de IESVS, & me faites recevoir en sa Famille comme vn de ses esclaves.

Pour le iour des saints Innocens.

XXVIII.
Decem-
bre.

FVyés Herodes, fuyés le monde, & vous retirés en cette bienheureuse estable, avec IESVS, MARIE & IOSEPH, & demandés grace pour prier.

I.

L'ASSOCIATION. 481

I. POINCT.

La Creche & la croix ce sont les deux thrones de la misericorde de IESVS : car de ces deux lieux il répand ses graces & ses benedictions par toute la terre, & nous pouuons dire de IESVS en la creche, que *Virtus de illo exibat*, Que la vertu de la grace estoit decoulante de luy. O quelles diffusions & communications de cette creche & de l'Enfance de IESVS humilié, & combien d'ames ont esté attirées & ont couru apres les delicieux parfums de cette creche.

II. POINCT.

L'Enfant IESVS a regardé tous ces petits Innocens, il a eu dessein sur eux & sur leur eternité, il a voulu les attirer à sa gloire par vn moyen étrange à la verité, mais qui leur a esté tres aduantageux, & il s'est serui à cet effet de la cruauté d'Herodes de laquelle il a tiré ce grand bien. O regard tres aimable de IESVS, ô desseins admirables & saintes applications de son ame sur les nostres, ô bonté de IESVS qui tite le bien

482 L'ASSOCIATION.

de nos propres maux , ô grands effets de sa venue , opérés en ces petits Innocens !

III. POINCT.

IESVS a voulu que ces petits enfans, lesquels, s'ils eussent vescu, l'eussent peut estre blasphemé & fait mourir, luy ayent rendu gloire & honneur, & l'ayent confesé non en parlant, mais en mourant. Quelle donc a esté la reconnoissance de ces ames des Innocens éclairés au premier instant apres leur mort; ils ont les premiers annoncé & preché au Lymbe la venue & la naissance de IESVS, & *in ore eorum non est inuen-*

Apoc. 14. tum mendacium.

Oraison

L'A
Oraison
M
O Vierge
Reyne
merveille d
mere en
vous selon
vos grâces
Iesvs-C
que vous
au Ciel. A
vie, & v
mais, &
lier hom
& en ete
fericorde
mon ame
pleu à D
la Mere
Anges, i
pout ma
depende
Sauueur
vous comm
qualité ie
sur ma vie

Oraison à la Tres-saincte Vierge
 MARIE Mere de Dieu.

O Vierge sainte, Mere de Dieu,
 Reyne des hommes, & des Anges,
 merueille du Ciel & de la terre; ie vous
 reuere en toute les manieres que ie le
 puis selon Dieu, que ie le dois selon
 vos grâdeurs & que vostre Fils vnique
 IESVS-CHRIST, nostre Seigneur veut
 que vous soyés reuerée en la terre, &
 au Ciel. Ie vous offre mon ame, & ma
 vie, & vous veux appartenir pour ia-
 mais, & vous rendre quelque particu-
 lier hômeage, & dependance en temps
 & en eternité. Mere de grace & de mi-
 sericorde, ie vous choisís pour Mere de
 mon ame, en l'honneur de ce qu'il à
 pleu à Dieu même vous choisir pour
 sa Mere : Reyne des hommes & des
 Anges, ie vous accepte, & reconnois
 pour ma Souueraine, en l'honneur de la
 dependance que le Fils de Dieu mon
 Sauueur & mon Dieu à voulu auoir de
 vous comme de sa Mere : & en cette
 qualité ie vous donne sur mon ame, &
 sur ma vie tout le pouuoir que ie puis

484 L' ASSOCIATION.

vous donner selon Dieu. O Vierge sainte, regardés moy comme chose vôtre, & par vôtre bonté traités-moy, comme le sujet de vôtre puissance, & comme l'objet de vos misericordes! O source de vie, & de grace, refuge des pecheurs, j'ay recours à vous pour estre deliuré du peché, pour estre preserué de la mort eternele: que ie sois sous vôtre tutele, que i'aye part à vos priuileges, & que i'obtienne par vos grandeurs & priuileges, & par ce droit de vôtre appartenance, ce que ie ne merite pas d'obtenir par mes offences: & que l'heure derniere de ma vie, decisue de mon eternité soit entre vos mains, en l'honneur de ce moment heureux de l'Incarnation, auquel Dieu s'est fait homme, & vous aués esté faite Mere de Dieu: O Vierge & Mere tout ensemble! ô temple sacré de la Diuinité! ô merueille du Ciel & de la terre! ô Mere de mon Dieu! ie suis à vous par le titre general de vos grandeurs: mais ie veux encore estre à vous par le titre particulier de mon election, & de ma franche volonté: ie me donne donc à vous & à vôtre Fils vnique

I E S U S-
C H R I S T

L'ASSOCIATION. 485

CHRIST nostre Seigneur, & veu
ne passer aucun iour sans luy rendre, &
à vous, quelque hōmage particulier, &
quelque tesmoignage de ma dependan-
ce & seruitude, en laquelle ie desire
mourir, & viure pour iamais. *Aue*

MARIA.

R I N.



X 3 T A